

**3 lucky winners will WIN** A RETURN TRIP TO WATCH MANCHESTER UNITED IN SYDNEY

PRIZE INCLUDES

- » 1 Game Pass
- » Travel Allowance
- » A return ticket
- » Accommodation for 2 nights

Visit your nearest Telkom Shop now!

24/7 Customer Care Call 345 6789 or www.telkompng.com.pg



**SMART WANTAIM NIUPLA SMARTPHONE**

Kisim niupla Nokia Asha 311 or Blackberry 9320 smartphones na sekim Internet tukel.

Sizzling Deals wantaim Digicel tasol

## INSAIT

Kalabus ronawe wantaim bilak jisas  
**P3**

Lukim Ista spesel insait long pes...  
**P4,5**

Wol Visen bilong daunim TB wokabaut long pes...  
**P8,9**

# Ista...

## Tingim dai bilong King Jisas Kraisis...

Mary na Martha i go kamap long matmat bilong Jisas na kirap nogut long lukim olsem ston i pasim hul bilong matmat i op na Jisas i no stap...Ol i lukim wanpela Enjol na em i tokim ol.. "Bilong wanem yupela i kam painim man i stap laip yet long ples bilong ol daiman?" Em i kirap pinis!..

Luk: 24:5 - 6



Jada 0131

Lukim ol stori bilong Ista insait..



Nokia Asha 311  
3.13 MP Camera  
MP4, MP3, Ovi  
Email, MMS, SMS  
YouTube, Facebook

**K299**



Blackberry 9320  
Email, SMS, MMS,  
3.3MP Camera, LED Flash,  
Document viewer

**K499**

Digicel



More Easy, More Tasty, More Energy

## CORNED BEEF WITH CEREAL





**GLOBE** ....the perfect choice





Deputi Dairekta bilong LTI, David Lamba, wantaim nektai i sindaun long namel wantaim wanpela trena, Franklyn Arthihulawa, na narapela wok meri bilong LTI wantaim ol sumatin bihain long kos.

# 82 loa sumatin skulim gutpela wok pasin

**Frieda Kana raitim**

82-PELA sumatin bilong Loa, i bin kisim wanpela kos long gutpela pasin bilong wok. Kos i bin stat long Trinde 13 Mas na i pinis long Trinde 21 Mas 2013.

Deputi Dairekta bilong LTI, David Lamba i tok tenkyu long PNG Lo Sosaiti na long tupela volonta opisa bilong PNG Loa Sosaiti, Vanessa Asivo na Franklyn Arthihulawa husat i bin givim dispela kos.

Dispela kos em i wanpela bilong ol kos we 82 sumatin bilong loa bai kisim insait long 9-mun treading bilong ol long Loa Treading Institut (LTI).

David Lamba i tok strong long ol loa sumatin olsem ol i nonap kamap gutpela loa sapos pasin bilong wok na pasin bilong tok tru i no stap.

"Pasin bilong yu long pablik na long ples hait i mas stret tasol long ai bilong ol manmeri. Em i tok maski sapos yu stap long haus krai o haus lotu, ol manmeri i save yu wanpela loa. Toktok na pasin bilong yu i mas stretpela. Yu noken kamap olsem sampela loa husat i save karim stem bilong gavman na raun long

ol bas stop na stempim ol stet dek bilong ol man stap," Mista Lamba i tok.

I gat planti loa husat nau i no moa wok olsem loa bikos long pasin bilong ol. Planti i brukim ol loa bilong PNG Loa Sosaiti na Loa Sosaiti i rausim loa laisens bilong ol na nau ol i wokabaut long rot. Papua Niugini em i liklik kantri tumas, olsem na taim yu pinis olsem loa, olgeta man bai lukim yu na save olsem yu loa.

Ol pablik i save givim biknem long ol wok loa, olsem na wankain we ol bai bagarapim yu sapos yu tok swea long pablik ples o mekim sampela hambak pasin long ples hait. Ol man bai lukim yu long klos yu werim na ples yu save raun long en. Save long buk bilong loa tasol i no nap long mekim yu kamap gutpela loa. Nogat, gutpela pasin bilong wok wantaim stretpela pasin bilong tok tru oltaim i save kamapim gutpela nem bilong wanpela loa man o meri.

Sampela tokpiksa olsem, loa i tok sapos yu laik putim raba stem bilong gavman o witnessim wanpela gavman pepa o stet dek, yu mas lukim man husat i wok long tokaut. Yu noken sain nating long

pepa na putim raba stem bilong gavman. Noken sainim ol gavman pepa long haus bilong yu. Yu mas tokim ol long kam lukim yu long opis we bai yu witnessim ol sainim na bai yu putim raba stem.

Taim yupela i kisim wanpela kot kes, yupela mas was gut long wanem samting yupela i toktok. Planti taim ol nius man meri i save stap long harim na putim long pablik. Sapos yu wanpela junia loa, orait tai mol niusman meri i askim yu long toktok, yu mas noken ken toktok wantaim ol. Yu salim ol i go long bos bilong yu, kain olsem Solisita Jeneral.

O sapos wanpela kes em jas i surukim i go long narapela taim, yu noken mekim toktok olsem, o mi ting bai mi mipela winim dispela kes na ol kain toktok olsem long soim yu gat moa save winim narapela wan wok bilong yu.

Sampela taim ol nius manmeri no save raitim gut ol toktok bilong loa o kot kes i kamap bikos ol loa i save yusim ol strongpela tok bilong loa. Olsem na yu noken guria na amamas nating long toktok long ol sapos yu no klia tumas. Salim ol i go long bos bilong yu.

Yupela laki long stap insait

long dispela klas bikos 150-pela lain i aplai long kisim ples insait long LTI tasol mipela i nap long kisim 82 pela tasol.

"Olsem na noken mekim ol longlong pasin na bagarapim dispela gutpela sans bilong yu. Taim yu patna wantaim narapela poroman loa bilong yu, yu mas lukaut gut, nogut bai hevi em i kamapim na ranawe na yu na bai ol i rausim laisens bilong yu nating," Mista Lamba i tok.

Em i tenkim Sosaiti long kisim namba wan step na i rereim ol loa sumatin wantaim dispela gutpela kos, olsem bai ol i noken kisim hevi long bihain taim na bagarapim nem bilong PNG Loa Sosait olsem planti bipo loa i mekim.

82 treading loa bai skul i nap 9 pela mun na bihain sapos ol i winim olgeta kos bilong ol, bai LTI i putim ol long ai bilong ol Nesanel na Suprim Kot Jas long givim blessing long ol i ken mekim tru wok bilong loa insait long PNG. Namel long ol dispela 82 sumatin, 31 em ol meri sumatin.

LTI nau i gat foapela ful taim leksera wantaim sampela we i save kam tasol long givim spesol skul olsem dispela kos nau ol i kisim.

## 'Kalabus em sans bilong senis laip': Simitab

**Michael Novingu i raitim**

"YUPELA ol kalabusmanmeri i kam kalabus long Kerevat Haus Kalabus, i no long kisim bikpela mekim-save. Nogat. Yupela kam kalabus long senisim ol pasin nogut yupela i mekim, na taim yupela i pinisim taim bilong yupela, yupela i ken go bek long ol komyuniti bilong yupela na kamap gutpela manmeri."

Minista i bosim ol haus kalabus long kantri, na Memba bilong Wewak, Jim Simitab i mekim dispela toktok long namba wan lukluk raun bilong em i go long Kerevat Haus Kalabus long Is Nu Briten Provins las wik Fraide.

Mista Simitab i tok tenkyu long provinsal gavman long Is Nu Briten long wokbung wantaim ol woklain bilong Kerevat Haus Kalabus long lukautim ol kalabus manmeri.

Moa yet, em i tok tenkyu long ol komyuniti, ol bisnis, Nesanel Agrikalsarel Risets Institut (NARI), Vudal Yuniivesiti na ol arapela lain long givim helpim long ol kalabus manmeri i stap long Kerevat.

Em i tok olsem long dispela wok bung tasol, na ol kalabus manmeri i pinisim taim bilong go bek long ples na i no go bek namba tu

taim long kalabus.

Simitab i tok olsem em i go lukluk raun long lukim na stretim ol haus, na arapela samting i bagarap pinis long Kerevat Haus Kalabus. Moa yet, em i tok olsem haus slip bilong ol woda manmeri bai ol i stretim tu.

Em i tok olsem bikpela gavman i givim K2 milian long mani plen bilong kari maut wok long ronim ol haus kalabus long kantri. Em i tok 2013 em i yia bilong implimentesen o kari maut wok go het aninit long stia bilong O'Neill-Dion Gavman, bai sevis i go long ol manmeri long olgeta komyuniti bilong yumi.

Mista Simitab i tok maski gavman i save skelim liklik mani, ol woda manmeri i gat save long karimaut wok long helpim ol kalabus manmeri.

Em i givim K700,000 long Kerevat Haus Kalabus long stretim wara saplai, lait, na ol paip bilong wara na toilet we i bruk longpela taim yet.

Long wankain taim, Minista Simitab i tok olsem gavman bai wokim ol haus kalabus long ol distrik long lukautim ol kalabus manmeri i kisim liklik taim long ol distrik. Moa yet, em i tok olsem dispela bai daunim kos o manimak bilong CIS long lukautim ol kalabus manmeri.

## Madang komyuniti pret long ronawe kalabus

OL PIPEL bilong Madang nau i stap wantaim bikpela pret bihain long 49 kalabus lain long Beon haus-kalabus i bin ronawe long banis las wik Fraide.

Ekting Polis Komanda long Madang, Jacob Bando, i tok polis i holim pinis foapela long ol dispela lain kalabus long Trans-Gogol rot, tasol ol arapela lain i stap hait, na polis i wok painim ol yet.

Ol dispela lain kalabusman i bin wokabaut tasol i go aut long haus-kalabus bihain long ol woda i no putim was gut long ol long samting olsem 2-kilok Fraide apinun.

Narapela long ol dispela lain husat i ronawe em wanpela bipo polisman, Philip Kila, husat i kalabus bihain long em i bagarapim meri. Em i kisim 18 yia kalabus taim, tasol i ronawe wantaim ol arapela.

Bihain long ripot i bin kamaut long redio Madang olsem ol dispela kalabusman i ronawe, pret nau i stap long ol viles komyuniti long hap bilong Trans-Gogol eria, we pastaim Steven Tari wantaim grup bilong em i save mekim kago kalt wok bilong ol.

Ol arapela komyuniti insait long Not Kos Rot (NCR) na tu long Usino-Bundi na Raikos na Midel Ramu tu i stap wantaim pret.

Wanpela lida bilong Trans-Gogol i mekim bikpela askim nau i go long polis long Madang long mekim polis patrol oltaim long Trans-Gogol Haiwe bikos em i tok i gat bikpela bilip olsem sampela long ol lain kalabus lain ya i go hait long ol bus na maunten long Trans-Gogol.

**AGMARK MACHINERY**  
SIMPLICITY BY DESIGN

**JCB**  
FOR ALL YOUR MACHINERY NEEDS

For Excavation & Compaction JCB have YOU Covered

machinery@agmark.com.pg

PORT MORESBY 323 5572 | LAE 472 6324 | KOKOPO 982 8748



# Moa sumatin bai go long Japan

## Veronica Hatutasi i raitim

JAPAN i laik helpim PNG long humen risos developmen na olsem, em bai kisim moa sumatin i go skul long kantri bilong em.

Embaseda bilong Japan long PNG, Hiroharu Iwasaki, long dispela wik i tok bai 80 moa sumatin long PNG bai go skul long Japan long dispela yia.

Em i tok aninit long Kizuna o strongim poroman Projek we gavman bilong Japan i bin tokaut long namba 6 Pasifik Lidas bung long Me, 1983 long Okinawa, Japan i laik bildim gutpela wok pren namel long ol yut bilong ol Pasifik kantri na em (Japan).

Olsem na Embaseda Iwasaki i tok em i amamas long tokaut nau

olsem aninit long dispela projek, 80 sumatin bilong PNG bai go skul long Japan stat long dispela yia.

"Moa long bildim gutpela wok pren, Kizuna Projek i promotim tu luksave long wok bilong stretim ples na pipel bihain long 2011 sunami i bin bagarapim Japan, na mi laik strongim ol lain i go long Japan anin itm long Kizuna Projek long serim ol eksperiens bilong ol wantaim ol skolasip na ol narapela ges," Embaseda Iwasaki i tok.

Embaseda Iwasaki i tok insait long wanpela yia, 3,500 pipel bilong Japan i kam long PNG olsem ol turis, wok na mekim bisnis, tasol 500 PNG pipel tasol i save go long Japan.

"Bai mi traim hat long kisim moa pipel bilong Japan i kam long PNG

na tu, moa PNG pipel i go long Japan," Embaseda Iwasaki i tok.

Aninit long Gavman bilong Japan skolasip i bin stat long yia 1983, moa long 200 (PNG) sumatin i bin go skul long ol bikpela yunivesiti long Japan na kisim gutpela save.

Na taim ol i kam bek long kantri, ol i holim ol bikpela wok na tu, skruim na strongim wok poroman namel long PNG na Japan aninit long wanpela asosiesen ol i kolim long JARA.

JARA i min olsem Japan Ryugakusei Asosiesen (JARA) we ol PNG sumatin i bin go skul long Japan i kamap memba long en.

Long tok gutbai bung we Embasi bilong Japan i bin holim long dispela wik Tunde, Embaseda

Ewasaki i bin tok amamas long 4-pela sumatin husat i bin winim skolasip bilong Japan 2013 na ol bai go skul long tupela yia long 4-pela yunivesiti long Japan.

Tupela meri em Concilliah Menda em wanpela kemistri greduet bai go mekim Masta skul long Hokkaido Yunivesiti na Betty Peter bai go wokim Mastas Skul long Kobe Yunivesiti long Agrikalsa Saiens.

Tupela man em, Joe Tarutua bai skul long Fukui Greduet skul long Ilektrikel na Ilektroniks Enjiniaring na Joe Parak bai skul long Kyushu Yunivesiti long skul long Infomesen



Praim Minista Peter O'Neill i toktok wantaim Praim Minista bilong Japan, H.E. Shinzo Abe, long Tokyo, Japan. Foto: PM Midia Yunit

Saiens na Ilektrikel Enjiniaring .

"Mi laik kisim dispela taim long tok tenkyu long yupela 4-pela na mi strongim yuperla long wok hat na skul gut," Embaseda Iwasaki i tokim ol.

Long makim 4-pela sumatin, Mis Menda i bin tok promis olsem ol bai bihainim ol loa, wok hat na skul gut, na stap olsem ol gutpela embaseda bilong PNG long Japan.

# Kalabus ronowe long Beon

## Bustin Anzu i raitim

**WANPELA bikpela nem kalabus-man i ronowe wantaim narapela 48 long Beon haus kalabus long Madang long las wik.**

Bikpela tok lukaut nau i go aut long painim ol na kisim ol i go bek long haus kalabus.

Kalabus-man Steven Tari, husat i gat narapela nem olsem 'Black Jesus', na ol narapela bikpela nem trabel man i ronowe lusim haus kalabus long las wik Fonde, samting olsem tu kilok long apinun.

Ol woda i no save long dispela ronowe bilong ol inap long apinun olgeta.

Ol woda husat i bin lukautim ol long dispela taim, em ol i saspenim ol pinis, bihain tasol long ol kalabus lain i ronowe na polis wantaim ol woda bai mekim wok painim aut long ronowe bilong ol dispela lain.

Foapela bilong dispela ol kalabus-man em ol i holim pasim ol long sem taim long 4-mail. Taim ol narapela i go hait.

Komanda bilong Beon Haus Kalabus, Tita Wada, i no amamas long ronowe bilong ol dispela kalabus man, tasol em i saspenim ol woda husat i wok long dispela taim na em bai no inap isi na larim ol i go inap em i painim as bilong dispela hevi bilong ronowe bilong ol.

Ektim Provinsel Polis Komanda, Inspekta Jacob Bando, i tok polis wantaim ol wanwok bilong ol long Koreksenal Sevis i mekim bikpela wok nau yet long painim gen ol dispela kalabus man husat i ronowe long las wik.

"Mipela i kamapim wanpela oporesen pinis long Madang long painim ol dispela lain husait i ronowe

long haus kalabus long Beon.

"Dispela em wanpela bikpela namba we i ronowe long haus kalabus na mipela laik apil i go long ol manmeri bilong Madang long helpim mipela long painim na holim ol dispela lain husat i ronowe long haus kalabus las wik," em i tokim Wantok Niuspepa olsem.

Tari, husat Nesanel Kot long Madang i givim 10-pela yia mekimsave long kamapim kago kalt na repim ol meri, i ronowe wantaim ol dispela grup.

Long 2010, kot i painim em asua taim em i tok em wanpela Lutheran Sios Pasto na wokim ol dispela pasin long pulim ol lain bilong em long joinim sios bilong em.

Ripot Wantok Niuspepa i kisim i tok Tari wantaim ol lain bilong en, husat i save stap long strongpela banis i brukim waia na kam i go joinim ol narapela kalabus man na giaman kaikai buai na stori stap na bihain brukim haus kalabus na kam aut.

Tupela awa bihain long ronowe, ol i stori long ol woda olsem ol kalabus i ronowe na taim ol i laik painim ol, em ol i let.

Beon haus kalabus, wanpela gutpela haus kalabus we Australia Gavman i wokim long 2008 tasol ronowe bilong ol dispela kalabus man i kamapim sampela kain tingting pinis long ronowe bilong ol.

Minista bilong Koreksenal Sevis o CIS Jim Simatab i wanbel wantaim dispela haus kalabus bihain long wokobaut bilong em i go long dispela haus kalabus. Tasol, hevi bilong ronowe bilong ol kalabus man bai kamapim narapela kain tingting bilong dispela haus kalabus nau.

**new**

# Sumatin Account

**BSP**

**SUMATIN**  
1234 6754 8901 2345  
EXPIRES 06/15

- ✓ Reduced account fees
- ✓ No monthly maintenance charge
- ✓ No minimum balance required
- ✓ Mobile and Internet Banking access

Like us on follow us on

## BANKING MADE EASIER FOR STUDENTS ON THE GO!

**INTRODUCTORY OFFER: Bank service charge FREE for phone top ups via mobile phones and ATM until 31st May**

For more information  
 320 1212 or 7030 1212 / 24/7  
 servicebsp@bsp.com.pg  
 www.bsp.com.pg

**BSP**  
Official Sponsor of the 2015 Pacific Games



# TELE Apdeit

## Konektim skul bilong yu long intanet

Wantaim ol ADSL o telepon lain, o Waiales (WiMAX) wantaim ol Telikom Skul Pekes plen:

**PostPaid Pekes**

Telinet School  
1,000MB

Telinet School  
2,000MB

Telinet School  
3,000MB

Telinet School  
4,000MB

**Fri Daunlod**

1GB

2GB

3GB

4GB

**Rental olgeta mun**

K50

K80

K113

K150

**Ekses Sas long wan MB**

0.11

0.11

0.11

0.11

Iluksave bai go pas long ol skul i nogat intanet koneksen yet.

IFRI Instolesen

Ikaramapim olgeta bikpela siti na ples Telikom i stap long en

Ol askim: Salim Email long sales@telinet.com.pg o ringim telepon namba 3025500 o 3025554

### Winim raun i go lukim Manchester United

Kamap wanpela long tripela laki wina long winim balus tiket i go long lukim Manchester United i bungim A-League All Stars bilong Australia long ANZ Stadium long Sidni long mun Julai.

Prais em:

1 Wanpela Gem Pas

1 Wanpela riten balus tiket

12-pela nait rum slip

1 Travel Alawens

We bilong Winim

Spending K200 o moa long wanem ol Telikom Pro-dak long wanem ol Telikom Stoa, raitim nem na adres bilong yu long baksait bilong risit, dropim long wanpela bokis long wanem ol Telikom Stoa, na go insait long droa bilong win.

19t/MB

Amamas wantaim Prepaid 19 toea of-pik ret long 7 kilok moning i go 7 kilok nait, na i nogat hevi long en.

Fri 300MB Daunlod

Baim wanpela intanet dongel wantaim FRI 300 megabait daunlod.

Long save moa, ringim 24/7 Kastoma Kea long 3456789.



# Wanem mining bilong ista



**Ista Toktok wantaim Pater Lollington Wiam bilong Angliken Sios**

ISTA em i spesel de long olgeta Kristen manmeri long PNG.

Em I de bilong amamas bikos ol i kam inap long dispela taim long wokabout wantaim ol Kristen famili na memba bilong Kristen komyuniti long graun.

Yumi stap wantaim spesel pren, em Jisas, long selebretim dispela pestode long tingim pen, dai na kirap bek long winin sin na dai.

Olsem ol Kristen manmeri, yumi amamaswantaim lewa, tingting na nek bilong yumi (wantaim ol singsing na toktok) long givim ona na apim nem bilong em bikos em i sevim yumi long birua bilong sin o pekato na nau yumi orait bikos long grasia Jisas I karim i kam wantaim em taim em i kirap bek long matmat.

Krais i rausim pasin mi tasol na birua long narapela na ol narapela samting nogut, na kisim i kam bek gut, bek isi na gutpela

sindaun.

Em i taim bilong amamas long lukim olsem yumi inapim ol gol yumi bin putim long spirituel sait long taim bilong Len.

Sios I mekim bikpela wok tu long staim yumi na helt na stap bilong yumi long olgeta eria bilong laip i kam aninit long sakri-fais we God i bin mekim long kisim bek yumi long sin.

Sapos yumi stap long Krais, yumi stap long nupela kriesen. Olpela wan i raus pinis na nupela I kam insait.

Krais i kamapim wanbel na givim yumi wok long kamapim wanbel namel long yumi, na dispela i min olsem God i stap long Jisas i wok long kamapim wanbel long yumi.

Yumi ol Kristen i ken amamas bikos taim Krais i dai, em i sevim yumi long dai na taim em i kirap bek, em i win na givim yumi nupela laip.

Olsem ol Kristen, yumi ekspiriensim ol salens. Yumi lukim yuniti na bruk bruk nabaut, kirap na pondaun, kilim dai narapela, pamuk pasin, vailen na bagarapim narapela, gutpela sindaun, no laikim narapela, ol drag, alkohol o spak pasin, loa na oda i bagarap na famili i bagarap.

Yumi lukim ol pikinini bilong yumi i wokim kalt pasin long ol skul, na long planti hap bilong ol rurel eria long kantri we pipel i no kisim gavman sevis, I go insait long ol kalt wok.

Yumi luki gavman i toktok long onesti o wokim stretpela pasin na ranim gutpela, tasol yumi lukim korapsen I kamap long olgeta level bilong gavman, ol dipatmen bos na praivet sekta.

Em i save kamap aninit tasol long nus bilong ol lidaman, tasol ol no wokim samting long stretim.

Tok piksa em haus mani bilong pipel we ol i stilim na dispela I go het yet, tasol ol lain i wokim stil pasin i no stap long haus kalabus yet.

Ol dispela samting I kamap na yumi lus tingting long ol turangu, ol lain i hangere, ol siklain, ol disebol, ol lain i gat HIV na AIDS, ol yangpela bilong yumi i raun nating long ol strit na i dring spak, smokim mariwana na nogat wok i stap nating.

Em i sem pasin we planti bilong ol dispela yangpela i stap olsem, planti.

Yumi mas kamapim senis long dispela na putim ol yangpela long gutpela level na kisim sevis i go aut.

Orait, yupela olgeta long hailans, bikples na ol ailan, ol pen na hevi yupela i karim long laip bilong yupela i no bilong yupela, nogat.

Em I bilong Krais. Yumi lukluk long Kruse bilong Jisas na em bai oraitim yumi na em bai oraitim yumi.

Yumi lusim tingting long gridi pasin yumi gat long en, pasin mi antap olgeta taim na ol olupela pasin bilong yumi na bai yumi kirap bek gen wantaim Krais long dispela Ista.

Olsem na Ista em imesej bilong hop, mesej bilong pis, mesej bilong lav, mesej bilong yuniti, pasin bilong pogivim o lusim tingting long ol rong ol narapela i mekim long yumi.

Ista em i amamas taim long lewa, tingting na spirit. Na resureksen em i Gutnius na amamas taim bilong olgeta long yumi bikos dai na kirap bilong Jisas i givim yumi nupela laip.

Em (Jisas) i winim woa na dispela em i Gutnius bilong yumi.

Olsem yumi selebret dispela bikpela win wantaim Jisas.

Amamas bilong Ista i ken stap wantaim yupela, na gutpela Ista selebresen.

## Toktok bilong Ista i kam long Pater Vicor Roche, SVD na Jeneral Sekreteri, Katolik Bisops Konprens

### Ista i taim bilong lukluk bek

by  
**Fr.Victor Roche, SVD**



ISTA em i taim bilong yumi lukluk bek long laip bilong yumi wanwan. Yumi save gat taim bilong amamas na taim bilong wari long laip bilong yumi. Jisas, pikinini bilong God i karim pen, na i dai long kruse tasol em i kirap bek gen long namba tri de.

Wanpela pikinini diwai i mas dai pastaim na bihain bai diwai i kamap, gro na karim prut. Jisas i dai long kruse bipo long kirap bek bilong em. Yumi tu i mas dai pastaim na bihain yumi ken kirap bek wantaim nupela laip. Yumi olgeta i save bungim planti pen na bagarap long laip bilong yumi. Taim yumi bungim bagarap yumi

mas sanap strong na bihain bai yumi win na painim amamas.

Stori bilong dispela yangpela meri ol i bin kilim long Maun Hagen, bikos ol i ting em i wanpela sanguma meri, na planti ol arapela wankain stori olsem, i kamap olsem wanpela sua long developmen bilong nupela kantri bilong yumi, Papua Niugini. Em i mekim olgeta hap bilong graun i lukluk long dispela kantri na i toktok planti. Dispela hevi i bin kirapim planti tingting insait long kantri tu.

Long taim bipo, ol i save nilim indai ol bikhet o trabel man long kruse. Jisas i bin karim dispela

pasin sem long dai long kruse. Yumi tu, sampela taim long laip bilong yumi bai yumi bungim sampela pasin we bai bringim bikpela sem long yumi. Sampela taim bai yumi no winim hevi bilong yumi. Long kain taim olsem, yumi mas daunim yumi yet na karim dispela sem.

Sampela man husat i bin ran long ileksen long 2012, i no bin win. Sampela sumatin tu, i no bin winim ol eksam bilong ol. Sampela marit tu, i no bin kamap gut na marit i bruk. Sampela projek i no kamap gut. Taim yumi no winim hevi, tasol yumi wanbel na karim hevi, em bai yumi kamap

win manmeri.

Taim Jisas kirap bek gen long Ista Sande em i winim sin na dai. Em i dai long wasim sin bilong yumi wanwan na tu bilong komyuniti bilong yumi olgeta. Nau yumi mas kirap na krungutim na daunim sin na slek pasin bilong yumi. Yumi mas kirap na krungutim na daunim pasin korapsen, pasin bilong kilim sanguma, pasin bilong laikim tumas ol samting bilong graun na long les pasin.

Mi makim ol Katolik Bisop Konprens bilong Papua Niugini na Solomon Ailan, na mi laik tok bikpela amamas bilong Ista i go long yupela olgeta.

## “KIRAP BEK BILONG KRAIS I GIVIM NUPELA LAIP.” (Buk Wok bilong Aposel sapta 2, lain 24)

### Nupela laip i kamap tude

Emi i Ista tude, na i gat wanpela raitpela het tok bilong ol Kristen long autim tude, na dispela em tok olsem, Krais na kirap bek bilong em. Yes, tude gen dispela Ista i tokaut long olgeta graun, bus, diwai na ol man meri, olsem NUPELA LAIP i kamap taim kirap bek long dai i kam insait.

Long olgeta hap graun, ol bus, solwara, na ol samting i guria wantaim nupela laip bilong kirap bek long matmat. Ista i soim amamas bilong dispela pestode na i

pointim ai bilong yumi i go long matmat bilong Krais we i op pinis na i tokaut long laip i stap oltaim, oltaim.

Yes, insait long ol haus lotu tokaut bilong ista i kamaut long ol pulpit olsem Krais i kirap bek long dai na dai i lusim strong bilong em pinis. Nau kirap bek long matmat i win pinis.

Na gen olgeta Kristen Sios i bihainim dispela singsing bilong bikpela Aposel, Santu Paul: “ O dai, we stap pen bilong yu nau? O

matmat, we stap win bilong yu? Tenkyu tru long God, i mekim yumi kamap win man insait wantaim Lod Jisas Krais!”

Mi askim yumi olgeta long bung wantaim na amamas long dispela ista de, na amamas long nupela laip Krais i bringim long yumi insait long kirap bek bilong em.



Wantaim Reveren Sommy Setu, Luteran Sios, Papua Distrik



**GLASIM  
TOK  
wantaim**  
Fr Lollington Wiam

## Nem Katolik em wanem samting?

YUMI planti Katolik i ting Lotu Katolik em ol man yet i kamapim na planti taim yumi save krusifaim Katolik sios. Tasol Katolik Sios em husat? Sapos yumi laik kisim mining tru bilong wod Katolik long diksenari, em min olsem; bung wantaim (Universal Sios).

Em Sios Jisas yet i kirapim, sapos yumi wanpela bilong ol husat i krusifaim Katolik em yumi wok long krusifaim Jisas Kraus stret.

Insait long Nicene Creed, yumi autim bilip bilong yumi olsem; Yumi bilong One, Holy Catholic na Apostolic Church, Sios Jisas yet i kirapim na ol aposel biong em i surikim dispela gtupela wok bilong Jisas Kraus.

Taim ol disaipol i bung wantaim Jisas, em komyuniti na sios Jisas i kamapim ol disaipol i kamap lena o lain long skul long bilong Jisas, tisa na bikpela bilong ol.

Taim Jisas i dai na kirap bek, ol i no moa disaipol nau, ol i kamap Aposel.

Em min olsem "Being sent out".

Wanpela bilong ol disaipol em Santu Peter.

Long (Matyu 16:13-19) Jisas yet i givim dispela spesol wok long Santu Peter.

"Peter you are the rock, on this rock foundation I will build my church and not even death will not ever over come it. I will give you the keys of the Kingdom", na surikim i go long (ves 19). Em nau Santu Peter inap tok bilong Jisas yet na i go i dai long Rome, ol i bin kilim em. Em nau em kamap namba wan Pop na em wea Roman Katolik Sios i kamap. Santu Peter i kamapim o (founder) bilong Roman Katolik na long lis bilong ol Pop yumi lukim ol Yurop tasol i bosim Vatiken wea ol Pop o (Spirituel) Papa i stap long en.

Long histori bilong Roman Katolik yumi lukim olsem Roman Katolik em bilong ol Yuropien wol tasol.


Yumi mas tenkim God olsem Roman Katolik em I no bilong Rom o Frens o Jemeni o Austria o Itali o Yurop, Nogat! em bilong olgeta hap bilong dispela graun.

Em na yumi kirap harim olsem dispela lidasip bilong Roman Katolik Sios i kam aut na i stap pinis long Latin o Saut Amerika long kantri Agentina.

Em min olsem Vatiken em bilong yumi olgeta na i no bilong ol Yurop tasol. Wankain Jew na gentail (gentile).

Olsem yumi tenkim God papa long dispela wok lidasip i senis na em amamas bilong yumi Roman Katolik wok.

Yumi prea na askim God Papa long blesim nupela Santu Pop Francis bai wok bilong en i ken kamapim pasin bung wantaim namel long ol wol rilijen lida na yumi wanwan kristen sios long go na autim Gutnius.



**Yumi Stori  
long  
PNG LNG**  
with Peter Graham,  
Managing Director,  
Esso Highlands Limited

Wanpela samting i save mekim mi amamas long stap insait long dispela PNG LNG Projek, em long taim mi lukim ol wokmanmeri bilong Projek i lainim ol nupela skil na kisim save, we bai opim rot na givim sans long ol i painim nupela wok bikos long save ol i bin kisim taim ol i wok long Projek. Na planti bilong ol, i bin wokmani namba wan taim tru long taim ol i kisim wok wantaim Projek.

Na namba bilong ol wokmanmeri long Projek, em i no liklik, long pinis bilong 2012, namba bilong ol wokmaneri i winim mak bilong 21,000 pipel (moa long 9,000 em ol Papua Niugini). Dispela namba i wankain olsem populesen bilong Goroka!

Tasol, mipela save olsem, wok bilong konstraksen bai i no inap stap oltaim. Long taim ol wok long Projek i ran hariap na ol konstraksen wok i pinis, ol woka tu bai stat long go nabaut.

Moa long 1.6 milien aua bilong fomet trening i bin kamap long taim bilong ol konstraksen wok bilong Projek. Ol skil, save na pasin bilong wok em ol Projek woka i bin lainim long taim ol i wok wantaim ol intenesenel kontrakta, bai givim ol gutpela sans long painim wok long narapela hap. Ol dispela woka husat i bin greduet long Construction Training Facilities long POM Tech na Juni, i bin kisim ol intenesenel setifiket we ol arapela kantri i luksave long en. Wantaim developmen bilong ol vokesenel skil, Projek i bin statim tu Personal Viability Training long sampela hap bilong sait, we i karamapim besik fainensel plening, pasin bilong raitim resume, na ol arapela trening bilong helpim ol woka i painim nupela wok.

Mipela i wok wantaim Papua Niugini Gavman na ol kampani/kontrakta husat i laik kirapim ol projek long PNG long kisim ol dispela skil woka long taim ol wok bilong mipela i pinis.

Mi laik stori nau long wanpela wokman husat i bin wok wantaim wanpela kontrakta bilong mipela bipo.

Heni Sega i bin stat wok long PNG LNG Projek long 2009 long LNG Plent autsait long Pot Mosbi. Long dispela taim em i gat wanpela tingting tasol: wokmani na amamasim papamama bilong em. Heni i no bin save long dispela taim olsem sapos em i strong long winim dispela mak, bai em i gat sans long kisim ol arapela samting tu.

Wankain olsem ol arapela woka bilong Projek, Heni i mas kisim trening bipo long em i ken stat wok. Long redi long wok bilong em olsem wanpela opereta, Heni i go kisim skul long Driver Training Centre, em namba wan trening fesiliti bilong Projek bipo long ol i opim Port Moresby Construction Training Centre (POMCTF).

Bihain long Heni i pinisim trening bilong draiva na sefti, em i stat wok long Plent sait wantaim Leighton kampani long Novemba 2009. Em i strong long wok na lainim planti samting bipo long em i kisim toksave long Ogas 2010 olsem ol wok i pinis.

Dispela i no bin wanpela gutpela taim long Heni. Em i go bek long ples long Boera na i save painim pis na wok gaden, na em i save wari na tingting planti long laip bilong em long bihaintaim.

Tasol, bihain long tripela mun, Laba Holdings i toksave long em olsem i gat wok wantaim Pacific Rim. Em i wok wantaim ol inap sikispela mun na bihain em i go wok wantaim CCJV (Clough Curtain Joint Venture) long Hides. Bihain long sikispela mun, ol wok i pinis na Heni i kisim toksave long pinis wok.

Em i go bek long ples long Boera, tasol dispela taim em i gat planti save na eksperiens long wok. Long mun Oktoba em i kisim wok gen wantaim STAR HR.

Heni i save driman long flai long balus i go long ol narapela hap long kantri. Na tude, dispela driman bilong em i kamap tru we nau em i wanpela draiva bilong ol bikpela masin long Morobe Gold Mine klostu long Lae.

Dispela rot i go long Lae i no bin isi - na ol wok em i bin mekim wantaim tripela kampani - tasol Heni i sanap strong na i gohet bikos long trening na eksperiens em i bin kisim long taim em i wok long Plent sait.

Heni i tok bipo long em i stat wok long Plent sait long 2009, em i save wari na tingting planti long laip bilong em long bihaintaim bikos em i bin gat Gret 10 setifiket tasol.

Dispela save na eksperiens em i kisim long Plent sait i helpim sindaun bilong em nau. Em i bin helpim papamama long pinisim haus bilong ol na bihain em tu i sanapim haus bilong em.

Papa bilong Heni, Sega Ase, i bin stat wok long Plent Sait long 2011 na em i kisim trening long kamap Safety Champion. Tude sefti i wanpela impoten samting long laip bilong em long wok na long ples tu wantaim famili bilong em.

Wankain olsem pikinini bilong em, Sega tu i tok tenkyu tru long Projek i givim em sans long kamapim gut laip bilong em na sindaun bilong famili bilong em.

Kamapim gutpela sindaun bilong ol wokmanmeri em wanpela bikpela hanmak PNG LNG Projek i laik kamapim.

Mi laik harim moa gutpela stori bilong ol pipel husat i yusim save na eksperiens bilong ol long Projek, na nau ol i gohet long mekim wok bilong ol.

Gutpela de.

Salim tok long mipela long [pnglngproject@exxonmobil.com](mailto:pnglngproject@exxonmobil.com)



# BEYOND BOUNDARIES

## SUNDAY 6PM - 6.30PM

"THE IMPLICATIONS AND TREND OF GENDER BASED VIOLENCE IN PNG"

Text 1610

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUL 100.8	TINUPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NGO 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAKE 100.5	MARPIK 100.8	MT. HOREATO 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAU/BULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

# Edukesen kisim ol samting long manimak klostu long K4 milian

DIPATMEN bilong Edukesen i kisim ol skul samting i kam long gavman bilong Japan aninit long agrimen bilong "Grant Aid Provision."

Ambeseda bilong Japan long Papua Niugini, Hiroharu Iwasaki na James Marape, Minista bilong Fainens na Eking Minista

bilong Edukesen bilong gavman bilong Indipenden Stet bilong Papua Niugini i bin stap long dispela hen ova seremoni we i kamap long wik i go pinis.

Dispela eksens not bilong dispela projek ol i sainim namel long tupela gavman insait long mun Mas 2012 we bai gavman bilong

Japan i givim 150,000 000 Japanese Yen i kamap long manimak klostu olsem K4milian bilong "Execution of Provision of Industrial" long promotim Ikonomi na Sosel developmen.

Long dispela seremoni ol husat ol lain i kisim tok orait, Embasi i givim ol metiriel long ol kain samting olsem

EQUITV risos metiriel, ol steseneri, Fes et kit na ol dokumen projekta we inapim manimak olsem K3.5 milian helpim bilong Dipatmen bilong Edukesen.

Dispela ol metiriel bai i helpim ol long improvim o kamapim gut ol wok na tu, long kisim moa tisa.

Na long wankain taim tu,

long kamapim gutpela sindaun bilong ol sumatin long kantri.

Ol dispela prodak ol i mekim yet long Japan, long Tohoku distrik we i bin kisim hevi long bikipela guria na sunami o solwara i solap na kamapim bikipela bagarap long 11 Mas 2011. Olsem tasol dispela wok helpim bai

helpim tu long developim Papua Niugini na wantaim ol bai mekim gen distrik bilong Tohoku distrik long Japan.

Gavman bilong Japan i bilip olsem wantaim long dispela Grant Aid helpim, em i ken kontribiut na strongim dispela prensip namel long tupela kantri.

## ELC Boana opim nupela senta

Paulus Tali i raitim

BOANA Luteran Distrik em i wampela nupela distrik bihain long em i bruk lusim Kote Distrik, tasol em i wok strong na i wok long lukim ol gutpela senis na ol wok developmen lon g spiritual, sosel na fisikel sait i kamap insait long distrik bilong em. Het bisop bilong Ewanjelikel Luteran Sios long PNG, (ELC-PNG), Reveren Giegere Wenge taim em bin go opim kea senta long Boana Luteran Distrik i bin tokim ol Kristen manmeri olsem laip bilong yumi i no gutpela taim yumi wokim sin.

Em bin tokim ol manmeri olsem Kraus i bin dai long sin, tasol kirap bilong em i bringim laip.

Na long dispela, yumi noken bagrapim laip bilong yumi.

Dispela nupela senta bai helpim ol pipel bilong Boana i gat ol kain kain sik long bodi long noken haitim, tasol ol i mas kam aut na kisim helpim na marasin long lukautim gut ol yet long nupela Drop In Testing senta i stap nau long Boana.

Na i no stap no longwe olsem long Lae.

Em tokim ol Kristen olsem sapos ol i gat sik long bodi bilong ol, noken ting yu stap gut. Na yu no kam long kisim marasin.

Em i tok God yet i save long nid, bilong yumi na olsem, yumi noken pasim yu yet.

Wankain olsem em i kisim ol Israel pipel i kamaut long ol kain hevi na birua, na yumi tu mas kam aut.

Het Bisop i tok tenkyu i go long Nesanel Luteran Laip Kodineta, Amad Uma na Nesanel AIDS Kaunsel opis long Mosbi long sapotim wok bung bilong Luteran Laip kea senta opis i kamap long Boana nau.

Tpk tenkyu i go tu long Presiden,

Reveren Tauke Somale, na ol kaunsel membas long wok bung wantaim HIV na AIDS kodineta long Boana, Besari Gilanguk na kamapim kain kea senta kamap we bai mekim isi long ol pipel gat kain sik long Boana.

Long wankain taim Misis Uma i tok tenkyu long Nesanel AIDS pis long Mosbi, long luksawe long program bilong sios em ikamapim long Boana.

Nesanel AIDS Kaunsel i givim manimak olsem K40,000 long helpim kamapim kain bilding olsem long Boana Luteran Distrik.

Misis Uma i tok long kamap bilong kea senta long Boana, dispela bai helpim ol pipel i gat sik HIV na AIDS long distrik long sait bilong kaunseling, testing na tritmen long Boana stesen yet

Gavana bilong Morobe, Kelly Naru i bin tok promis long helpim wantaim manimak inap K10,000 bilong sapotom wok ministri bilong dispela Drop in kea senta long Boana, na tu, long baim ol sia samting.

Opening i bin kamap long las Sande, Mas 17 na i bin pulim moa long 300 Kristen i kamap long witnessim.

Bisop Wenge i tok Boana Distrik i gat tupela skul olsem Nawae Luteran Hai skul na Boana Luteran Teknikal skul.

Em bin tokim ol pipel olsem ol pikinini i skul long hap i mas lukautim ol yet gut long ol kain kain sik i stap pinis long hap tu.

Las toktok bilong Bisop Wenge i go long presiden Somale na ol kaunsel memba em long ol i mas makim ol gutpela lida long kamapim long namba 29 sinot o bikipela sios bung bilong ol we bai kamap long Karkar Distrik.

"Makim gutpela ol lida man meri husat bai toktok long gutpela bilong sios," Bisop Wenge i bin tok.

**Thank you**

The National TB Program would like to thank those who participated in the walkathon, corporate dinner and other events around the country to commemorate World TB Day. Your voice was heard loud and clear that you want to 'Stop TB in our lifetime'.

Thank you also to the PNG Government and Stop TB in PNG partners for their greater commitment to TB. We will continue to see great results in the reduction of the TB burden in PNG.

**You can make the difference. Help stop TB in our lifetime.**

You can make a difference by spreading the word. TB is curable and treatment is free.

If you notice that you, a family member or friend show symptoms of, a persistent cough for more than 2 weeks, loss of appetite and weight loss, visit your nearest health care facility.

I want a future without TB

Stop TB

For more information contact the National Department of Health TB Program on 301 3757

**FM100**  
PNG's Information & Music Leader

**NASFUND FM100 TALKBACK SHOW**  
MONDAY - FRIDAY 9AM - 12PM

Studio: 323 3777 or 323 3999

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAUJ 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATOA 107.5	NUKU 100.8	TABUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAQIFU 100.2	MARKHAM 100.5	MT. KAINGUMA 107.1	PALMALMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8



# Rausim buai, na rausim TB



“EM i moa gutpela long stopim rot bilong sik pastim, bipo long sik i kamap na yu laik givim marasin.” Mista Powes Parkop, Gavana bilong NCD i tok.

Gavana Parkop i mekim dispel tok long de bilong tingim Wol TB De long Sea John Guise stadium, Mista Pakop i autim belhevi bilong em long Minista bilong Helt na HIV/AIDs, Michael Malabag, wantaim Sekreteri bilong Helt na ol sinia opisa bilong ol. Mista Parkop i tok em i

no amamas long Helt Dipatmen i no sapotim em long kamapim sampela kain lo bilong rausim kaikai buai na spet nabaut long Pot Mosbi Siti.

“Yumi mas mekim tru samting yumi toktok long em, na noken toktok nating.” Mista Parkop i tok.

Mista Parkop i tok em i belhat bilong wanem, namba bilong sik TB long NCD i go antap tru long 5,000 na em i go pas tru long kantri. Em i bilip tru olsem ol lain i

salim buai na ol lain i baim na kaikai na spet nabaut i helpim long dispela sik i go moa.

“Yumi mas senisim pasin bilong yumi. Tambuim ol lain long kaikai buai na spet long ol pablik ples. Bilong wanem na ol lain save spet long Mosbi Siti ah? Ol i speki bikos ol i kaikai buai, ol i no spet bikos ol i les long smel bilong bodi bilong ol man meri!” Em i tok moa.

Mista Parkop i tok strong long Minista bilong Helt na HIV/AIDs,

long em i mas kamapim wanpela lo bilong noken spet long pablik ples olsem em i kamapim moa sik TB.

“Long taim Australia gavman i bosim PNG, bipo long independens, TB em i bin pinis long PNG. Na nau olsem wanem na em i kamap bikpela, na moa long em, bikpela tru long NCD? Em bikos ol manmeri long NCD i kaikai buai na spet nabaut na ol i helpim long karim sik TB i go,” Mista Parkop i tok.

NCD Gavana, Mista Powes Parkop toktok long Wol TB de long Se John Guise stedium.

# Tingim Wol TB De Wokabaut, Mas 23, 2013

Frieda Kana i raitim

Moa long 200 manmeri na pikinini insait long Nesenel Kepital Distrik, i bin wokabaut long Sarere 23 Mas, 2013 long makim Wol TB De.

Stopim TB taim mi stap laip yet, mi ken mekim senis, na yumi rausim TB long NCD na PNG, em ol toktok bilong bikpela wokabaut insait long NCD.

Long 24 Mas 1882, 131 yia i go pinis, Dokta Robert Kosh bilong kantri Jermani, i bin tokaut long wol olsem em i painim pinis dispela binatang bilong sik TB. Nau long yia 2013, 24 Mas i pundaun long Sande, olsem na Dipatmen bilong Helt Nesenal TB Program wantaim Wol Vision PNG na ol patna bilong Stopim TB Kempein, i makim Sarere 23 Mas bilong tingim dispel de.

Wol Vision i bin go pas long rereim olgeta wok bilong dispela wokabaut na tu long ples bilong selebresen insait long Sea John Guise stedium. Dispela ofisel de i stat wantaim wanpela wokabaut stat long Jack Pidik pak long 5-Mail, i go bihainim rot i go olsem long Boroko Food wol na katim i go olsem long Kennedy Rot, i go moa yet na tanim kona bilong Somare Faundesin, na i bihainim Sea John Guise Draiv na i go insait long Sea John Guise stadium.

Kantri Program Direkta bilong Wol Visen, Dr. Kurt von Bogulslawski, i tok, nau i gat marasin bilong TB i stap long olgeta hausik insait long PNG.

“Bai yumi mekim wanem? Yumi mas toksave long ol wantok na femili bilong yumi olsem lo bilong kisim marasin em, sikman i mas kisim marasin inap long 6-pela mun na bai sikman i pinis. Ol i noken katim marasin long namel. Yumi mas sapotim ol sikman long dring gut marasin inap long 6-pela mun,” Dokta Boguslawski i tok.

“Yumi olgeta mas wok bung wantaim long pinisim sik TB. Nogat wanpela ogenaisesen bai i inap long pinisim sik TB em yet,” Em i tok moa.

Dokta Boguslawski i tok tenkyu long Gavman bilong PNG, long em i sapotim tru wok bilong daunim sik TB. Em i tok moa olsem nau 80 pesen bilong pipel i harim pinis toktok bilong sik TB long dispela



Plantilain i wokabaut long Wol TB De long NCD.

gutpela wok bilong gavman, Wol Vision, na ol arapela patna.

Kristen Komitmen Kodineta bilong Wol Visen (CCC) Pasto Agnes Pijui i bin openim de wantaim prena ritim tok long buk baibel long buk bilong Luk sapta 10 long stori bilong Gut Samariten. Ps. Agnes i givim liklik tok salens olsem yumi mas laikim ol pren bilong yumi olsem yumi laikim yumi yet. Na husat em pren bilong mi?

“Plis tokim narapela pren bilong yu long rausim TB insait long laip taim bilong ol.” Pasto Agnes i tok.

Pasto Jack Edward, husat i bin masta ov seremoni long dispela taim i bin tokaut olsem dispela de em i spesol long em, bikos papa bilong em i bin stap wokman bilong hausik long TB wod i nap long em yanpela kam i nap em i 52 yia na em i ritaia.

Nau em i 78 yia na em i stap yet. Mama bilong em tu i bin kisim sik TB taim em i bin yangpela meri tasol papa bilong em yet i bin lukautim em long marasin i nap em i orait na i stap longpela taim, bihain em i dai. Em i tok moa olsem, em yet na ol brata na susa bilong em i no bin kisim sik TB, bilong wanem, mama bilong ol i bin kisim marasin na ol i lukautim ol

yet gut.

Sampela bikpela lain husat i bin kamap long dispela de, em Minista bilong Helt, Michael Malabag, Gavana bilong NCD, Powes Parkop, Hai Komisina bilong Australia long PNG, Ms. Deborah Stokes, Abasada bilong HIV/AIDS, TB na Malaria long AuSAID, Mr. James Gilling, Program Direkta Helt na HIV wantaim AusAID, Dr. Jeff Clarke, Dr. Laura bilong WHO, Secretary bilong Dipatmen bilong Helt, Dr. Paul Aia, Nesenal TB Program Menesa.

Daunbilo:

Bipela pes, DOTSI i mekim ol lain i lap wantaim danis bilong em, na ol pikinini bilong Tubusereia Viles kalsa grup i bin bringim gutpela amamas tu long dispela de wantaim danis, na salens bilong ol.





# Masin bilong painimaut sik MDR TB i nau stap long Not Flai provins

Ol pipel bilong Not Flai nau i ken amamas long wanem, ol i gat nupela Gene X-pert masin, bilong painim aut sik MDR TB. OTML i presenim dispela masin long Tabubil hausik long Wol TB De insait long Tabubil.

Mista Eric Kuman, Trening Menesa bilong OTML i givim dispela masin long hasik, na em i tok, OTML i laik sapotim hausik na long sapotim gutpela helt bilong ol pablik long Tabubil na ol ples arere long taun.

“Taim mipela trenim ol wokman em i soim sapot bilong strongim dispela wok bilong daunim ol sik. Yumi olgeta mas wok bung wantaim long sapotim TB program,” Mista Kuman i tok.

Dispela masin nau em i nam-batu masin long Western Provins wanpela narapela i stap long Daru hausik we AusAID i bin givim ol long las yia i go pinis. Dispela masin i ken painim aut sapos man o meri i gat sik MDR TB, insait long 2-pela haus tasol.

i gat 11-pela kantri long wol i gat dispela masin olsem na pas-taim, olgeta spet na kus bilong ol siklain bilong sekim long MDR i save go long arapela kantri tasol nau ol lain long Western Provins



i gat long as ples yet.

Ol rekot bilong helt i soim olsem i gat 200 TB kes insait long Not Flai Distrik. Mista John Kepolon, Disis Kontrol Opisa long Westen provins i tok i gat 200 lain i kam wantaim sik TB tasol dis-

pela namba i wok long go antap bikos namba bilong ol manmeri tu i go antap.

Insait long Jenueri na Febueri 2013, i bin gat 43 TB lain manmeri na pikinini i bin kamap long bikpela hausik.

Gene X-pert masin i kamaut long Wol TB De long Tabubil. Hi em long han kai i go long han sut em Dotsy, Magraret, Erick Kuman, Trening Menesa bilong OTML, na Dokta Moke bilong Tabubil Hausik. *Poto: World Vision*



Lewis Mora, Distrik TB Kontrola bilong Not Flai Distrik i toktok long ol sumatin bilong Kiunga taun lon sik TB.

DOTSY, Nesenal TB Program Maskot i stori wantaim ol sumatin long Montfort Praimeru Skul, Kiunga *Poto: World Vision*



Disis Kontrol Opisa bilong Kiunga, Mista John Kepolon i go pas long mas, wantaim ol PNGDF soldia long Kiunga long makim Wol TB De.



# Noken larim sans i lus

## ... Redi long skul long Japan

**Veronica Hatutasi i raitim**

"WANEM ol sans i kam, traim na moa yet, taim yumi gat bikpela PNG LNG ProjeK i kamap na planti sans i stap," Concilliah Menda, em wanpela long ol 4-pela sumatin i winim skolasip bilong Gavman bilong Japan i tok long ol meri.

Long dispela wik Tunde, Concilliah i wanpela long tupela meri husat i bin kisim balus tiket long Embaseda bilong Japan insait long wanpela seremoni bilong

tok gutbai long 4-pela wina bilong 2013 Skolasip bilong Japan long go stadi long ol yunivesiti long Japan.

Concilliah bai lusim PNG long neks wik Mande long go long Greduet Skul bilong Marasin long Hokkaido Yunivesiti long tupela yia. Concilliah i bin pinisim skul long Yunivesiti bilong PNG na nau em bai go skul long kisim Mastas Digri bilong em.

Narapela meri, Betty Peter, husat i wanpela greduet bilong Yunivesiti bilong Teknoloji long Lae (Yunitek) bai go skul long

Agrikalsa Saiens long Kobe Yunivesiti Greduet Skul long tupela yia.

Em na Concilliah bai lusim PNG long sem taim.

Narapela tupela man bai lusim PNG long mun Oktoba long dispela yia.

Tupela em long Joe Tarutia na Joe Parak. Lukim stori bilong ol long ol Nius Pes long dispela pepa.

"Tajim mi harim olsem ol i kisim mi long dispela skolasip long go long Japan, mi bin gat miks tingting, tasol mi amamas.

"Mi redi tasol long go long Japan bikos mi save

gat bikpela laik long kantri Japan, moa yet, long naispela na ris kalsa bilong ol. Bai mi lainim tokples na kalsa bilong ol antap long skul mi go wokim," Concilliah i tok.

Em i tromoi toktok i go long ol meri olsem nau em i taim bilong go fowed long helpim kantri na ol yet, na olsem, noken larim sans i ronawe, tasol holim pasim na traim sapos sans i kamap long yupela wanwan na moa yet, wantaim ol rot, sans na wok we PNG LNG I opim na gimim long en," Concilliah i tok.



**Yut, Meri na Famili Wantaim Pastor Barbara Lunge**

### Pasin pamuk bagarapim famili

LAS wik yumi bin pinis wantaim toktok olsem, pasin pamuk i brukim loa bilong God na i brukim loa bilong kantri tu. Nau yumi skurim gen dispela toktok bilong pasin pamuk i save bagarapim famili.

Yumi lukim Buk Proveb i tok moa olsem, yumi mas was gut na lukaut long ol lain husat i save tok swit, olsem switpela gris bilong hani i kapsait long maus bilong ol. Em bai mekim yumi i go pundaun long sin. Gutpela tok lukaut em olsem, sapos yu bungim dispela kain man o meri i kam long rot bilong yu orait, yu mas kisim narapela rot na ronawe, yu noken traim long toktok long traim winim em bikos bai yu no nap long winim. Buk Proveb 5:3-8

Taim laik bilong bodi i winim gutpela tingting bilong yu, em bai tu let long yu long harim gutpela tok skul. Buk Baibel i tok, taim laik bilong man na meri i strong tumas, ol i no nap laik long harim tok skul. Ol i laik bihainim laik bilong bodi tasol.

Gutpela taim long luksave long birua na abrusim pasin pamuk o wanem kain pasin nogut, em long taim traim i no kamap yet. Yu mas stopim pasin traim bipo long em i ken kam klostu long yu, noken wet long em i kamap na yu traim long stopim. Sapos yu wet, laik bilong bodi bai winim tingting bilong yu. Tasol yu i ken winim.

"Bikpela bai kamapim wanpela rot bilong yu sapos yu putim bilip bilong yu long em." 1 Korin 10: 13; Prov 5:11-13

Insait long ol komyuniti bilong yumi, planti marit i save bagarap taim man na meri i no save putim paia yet long nambawan laik bilong tupelo. Taim man na meri i yangpela yet na i laik pren i go i kam, ol i save painim bikpela amamas long poroman na poromeri bilong ol. Ol i no save tingim narapela samting o man na ol i save mekim kain pasin olsem stori wantaim, holim han na wokabout, kaikai wantaim na go long olgeta hap wantaim.

Tasol yumi lukim olsem dispela pasin i no save kamap moa taim tupela i marit na i stap wantaim. Gutpela amamas i save pinis long taim pikinini i kamap, o nogat em taim man i baim pe bilong meri pinis, nau meri i save kamap olsem hap sospen o timba bilong haus. i nogat moa amamas long holim han na smail wantaim wokabout. Meri i i go long stoa na maket em yet, na man i go raun wantaim poroman em yet. Meri i i givim moa taim long stori wantaim ol arapela meri o wantaim ol tambu mama o bisi long lukautim bebi. i i nogat taim long smail o amamas, holim han, pilai wantaim man bilong em.

"Dring wara long sospen bilong yu yet,"

I soim piksa bilong marit man na meri i stap tru long tupela. Dispela i minim olsem, yu amamas wantaim man o meri God i bin givim long yu taim yu yangpela yet. Long ples nating, wara em i bikpela samting tru, na hul wara em i samting i dia tumas long wanpela famili.

Insait long olupela testamen, sapos yu stilim wara long hul wara bilong narapela man, em i bikpela rong stret, wankain tasol olsem wanpela man i slip wantaim meri bilong narapela man. Loa i i tok long dispela tupela pasin nogut, man i mekim rong i bringim hevi long gutpela sindaun long femili. Prov 5:15

Nau sapos yu wanpela marit man o meri i stap, mipela laik strongim tingting bilong yu olsem yu mas lukim man o meri bilong yu olsem em i bes fren bilong yu. Plenti taim, pasin bilong ai gris i save pulim man na meri na ol i lusim tingting long nambawan meri na man bilong ol, na ol i save go painim amamas bilong bodi long narapela, taim marit pasin bilong tupelo i kamap slek. Tasol yumi mas save nau olsem, marit, em God yet i bin kamapim long Gaden Paradais na em i blesim long stap olsem wanpela kontrak wantaim em.

Yumi ken painim trupela pasin bilong laikim na inapim tru laik bilong bodi insait long marit, we God i blesim. Yu noken bagarapim gutpela samting God i gat bilong yu, bikos yu lukim wanepela gutpela gras i stap long narapela hap.

"Nogat. Yu mas amamas wantaim meri o man yu maritim taim yu yangpela yet." Prov 5: 15-21, Malaki 2:14

Yu skelim tingting bilong yu nau. Marit sindaun bilon yu i stap gut? Nogut yu stap insait long pasin pamuk we bai bagarapim yu na gutpela sindaun bilong famili bilong yu. Moa long dispela, nogut bai yu kisim belhat bilong God. Sapos yes, yu mas askim man o meri bilong yu na God long lusim rong bilong yu, na bringim bek wanbel pasin bilong yu wantaim God na go bek long nambawan singaut bilong yu.

**Sapos yu laik save moa o nidim helpim long prea: Toktok wantaim Wokmeri bilong BIKPELA, Barbara Lunge, Rivers of Grace International Ministries, P. O. BOX 3063. BOROKO, NATIONAL CAPITAL DISTRICT, PAPUA NEW GUINEA, BM 67331426**



### Raun Lukim ol Meri na Pikinini...

**KISIM OFA NA TIKET:** Embaseda bilong Japan long PNG, Hiroharu Iwasaki, i givim envelop i gat balus tiket na ol narapela pepa i go long Concilliah insait long tok gutbai seremoni I bin kamap long Daikoku Restron long Mosbi long dispela wik. Narapela yangpela man bai go skul tu long Japan em Joe Tarutia i sanap long hap sait.

*Poto: Veronica Hatutasi*



### GAVMAN BILONG JAPAN (MONBUKAGAKUSHO:MEXT)

#### SKOLASIP BILONG 2014 I OP PINIS

Gavman bilong Japan i ofaim tripela kain skolasip, olsem: Spesolais Trening, Andagraduet na Risets Stadis bilong ol PNG manmeri husat i laik skul long ol Spesolais Trening Koles o Yunivesiti long Japan.

Ol Autlain bilong wanwan ol kategori i olsem:

1) **OL SPESOLAIS TRENING KOLES SUMATIN** (3-pela yia)

Ol Spesolais Trening Koles i save givim vokesenel edukesen na Skolasip i karamapim wanpela yia lon skul tok ples Siapan. Ol apliken i mas pinisim Gred 12 ( o bai pinisim Gred 12 pastaim long Mas 2014) na mama i mas karim em namel long Epril 2, 1992, na Epril 1, 1997.

2) **OL ANDAGREDUET YUNIVESITI SUMATIN** (5-pela yia)

Taim bilong skolasip i karamapim wanpela yia lon skul tok ples Siapan. Ol apliken i mas pinisim Gred 12 pinis (o bai pinisim gred 12 pastaim long Mas 2014) na mama i mas karim ol namel long Epril 2, 1992 na Epril 1, 1997.

3) **OL RISETS SUMATIN** (1 na 1/2 yia or 2-pela yia)

Bilong ol Yunivesiti graduet husat i laik mekim wanpela Risets Kos o wanpela Mastas Program (i mas i gat 16 yia skul pinis) o wanpela doktoral kos (inap long 18 yia skul pinis). Skolasip i gat 6-mun lon skul tok ples Siapan. Ol apliken, mama i mas karim ol long, o bihain long Epril 2, 1979.

**Yu ken kisim ol Aplikesen Fom na Infomesen Pepa long Embasi, namel long Epril 1 na Me 31, 2013.**


**Ol Aplikesen Fom, wantaim bekim long olgeta askim, em yu yet i ken karim i go na lusim, o yu ken salim long pos opis i kam long Embasi, pastaim long Jun 14, 2013. Em i tambu long salim aplikesen long Email. Bai mipela i no luksave long en.**

Long save moa, plis ringim Luddy Sallun o Dorothy Toredau long Telepon: 3211800, Feks: 3212278, Email: [info@pm.mofa.go.jp](mailto:info@pm.mofa.go.jp)

O salim pas i kam long:

Embassy of Japan, Scholarship Section  
(Ground Floor, Cuthbertson House, Port Moresby)  
PO Box 1040, PORT MORESBY, National Capital District





## Ista Selebresen

LONG taim mi selebretim santu Misa wantaim ol sumatin bilong Sen Michael Lowa Praimari skul (Gret 3, 4 na 5), mi bin askim ol; "Long Sande bilong Ista, yumi selebretim wanem samting?"

Planti i putim han antap i laik bekim askim bilong mi. Mi amamas tru long lukim ol i laik bekim askim bilong mi bikos ol i save long wanem samting ol i selebretim long Insta Sande.

Mi givim sans long wanpela meri sumatin Gret 5 i bekim. "Yumi selebretim indai bilong Jisas".

Mi tok, sori....i no stretpela bekim. Na planti han i go daun.

Tasol mi no stop long askim ol gen. Mi givim sans long wanpela boi Gret 4, i bekim olsem; "Yumi selebretim santu Misa".

Mi tok, em i tru yumi selebretim santu Misa long dispela Ista Sande.

Tasol wanem samting i as tru, i mekim yumi selebretim dispela santu Misa?

Nau planti i no wokim toktok moa. Ol sarap tasol.

Na wanpela Gret 3 meri i putim han antap na tok; "Yumi selebretim bilong tingim Jisas i kaikai wantaim ol disaipel bilong em".

Narapela sumatin Gret 5 i bekim; "Yumi selebretim wantaim narapela Kristen manmeri".

Narapela i tok; "Yumi tok tenkyu long God".

Na planti narapela bekim moa tasol mi no inap tingim olgeta nau.

Yumi save olgeta yia yumi selebretim Ista, tasol i luk olsem sampela i no klia yet, wanem samting i as tru long mekim yumi selebretim Ista.

Stat long Gut Fonde nait, yumi selebretim spesel Santu Misa.

Yumi tingim long Gut Fonde nait, Jisas i bin sindaun na wokim las kaikai bilong em wantaim ol aposel bilong em.

Long dispela Gut Fonde nait, Jisas i bin soim daun pasin bilong em long wasim lek bilong aposel bilong em.

Na long dispela Gut Fonde nait tu, Jisas i bin wokim namba wan Santu Misa, em i bin kamapim Santu Misa na inap nau yumi save selebretim olgeta taim.

Long Gut Fraide, yumi selebretim **INDAI BILONG JISAS**. Ol i bin kisim em long Getsemani na bringim em i go long Pilate, na King Herod. Ol i putim giaman tok long kotim Jisas, na kilim em i dai long Gut Fraide.

Tasol long Holi Sarere, Sios i selebretim wanpela bikpela amamas, bikos Jisa i kirap long indai bilong em na bringim nupela laip.

Laip em i kisim long Holi Sarere nait, em i nupela laip bai i noga indai moa.

Em i ofaim dispela nupela laip long yumi olgeta.

Olsem na long Ista Sande, **YUMI SELEBRETIM KIRAP BEK BILONG JISAS I BRINGIM NUPELA LAIP LONG OLGETA MANMERI**.

Em bin dai long Gut Fraide, tasol long Sande, taim bilong krai sori i pinis, i senis long kamap taim bilong amamas. Dispela em i as tru bilong wanem yumi selebretim Ista, "**bilong tingim Jisas i kirap bek long indai bilong em**".

I luk olsem planti bilong yumi i amamas long selebretim Ista, tasol i no save klia tru, bilong wanem yumi selebretim Ista.

Em i pestode bilong Kirap bilong Jisas long indai na bringim nupela laip long yumi.

Laip bilong Jisas i kamap narakain, bihain long kirap bilong em.

Ista em i taim bilong senis.

Planti i tingting olsem taim bilong senis em i long Krismas tasol.

Tru tru senis i mas kamap long taim bilong Ista.

Senisim olupela laip bilong yumi na kisim nupela laip Jisas i givim long yumi.

Lusim tudak pasin bilong spak, drug, stilim, kilim, giaman, tok nogut, pamuk, rascal pasin na kain kain pasin i save mekim yumi i stap long tudak olgeta taim.

Sapos yumi tru tru senis long dispela kain pasin, em i mak olsem yumi selebretim tru pestode bilong Ista.

Nau yumi ken tok long narapela narapela; **HEPI ISTA!**

# Wol Angliken Sios i gat nupela lida

### Bisop Peter Ramsden i raitim

SAMTING olsem 80 milian Angliken Komyunien memba long 160 kantri long wol i gat nupela lida.

Reveren Justin Welby i gat 57 krismas na i kam long London, Inglan, em i nupela Asbisop bilong Kenteburi (Cantebury).

Bisop Peter Ramsden bilong Pot Mosbi Angliken Daiosis i bin makim ol Angliken Sios memba long PNG long seremoni bilong givim blesing na nupela wok long Reveren Justin olsem Asbisop bilong Kenteburi i bin kamap long las wik.

Bisop Peter i bin wanpela long planti Angliken bisop na ol asbisop wantaim tu ol ekuumenikel poroman sios lida olsem Katolik Sios, Isten Otodoks na Luteran Sios husat i bin stap long seremoni. Prins Charles i bin makim mama bilong em na hetmeri bilong Komonwel na Angliken Sios long Inglan, Kwin Elizabeth 2.

"Mi bin wokabaut i go long Inglan long makim Angliken Sios long PNG.

"Mi go insait long Katitrel we i pulap nogut tru wantaim ol Angliken bisop, ol asbisop i kam long olgeta hap bilong wol, na tu, planti ol ekuumenikel ges (guests) i gat long em Katolik Sios, Isten Otodoks na Luteran Sios husat i bin stap long seremoni. Prins Charles i bin makim mama bilong em na hetmeri bilong Komonwel na Angliken Sios long Inglan, Kwin Elizabeth 2," Bisop Peter i tok.

"Seremoni long mekim em hetman bilong Angliken Sios i bin stat wantaim nupela Asbisop i paitim dua bilong katitrel wantaim pastoral stik bilong em, na bihain long dispela, em i wokim promis long lukautim na go hetim ol tising bilong sios. Em i wokim dispela taim em i putim han bilong em antap lapun Buk Baibel i stap moa long 1,400 krismas pinis na i gat ol Gospel o Tok bilong God long em. Na bihain long dispela, em bin go sindaun long ston sia we Augustine em namba wan Asbisop bilong Kenteburi i bin yusim long yia 597," Bisop Peter i tok.

Nupela Asbisop bilong Kenteburi i bin merkim tok promis bi-

long em long komitim em yet long sevim Angliken Komyunien na wantaim olgeta bilip manmeri long sios bilong em, ol i ken autim ol Gutnius bilong Jisas husat i mekim yumi i kamap pren bilong God na brukim ol wol we i mekim yumi i no stap wantaim.

Asbisop Justin i bin toktok tu long nupela Pop Francis bilong Katolik Sios na seremoni we ol i bin mekim long sem wik.

"Ol preia bilong ol Angliken na ol Katolik em God i ken stiaim dispela tupela Kristen lida long promotim Krsiten yuniti, Kristen witnes na Kristen sevis long wol," nupela Asbisop Justin i tok.

"Taim sno o ais na ren i pondaun long planti hap bilong Inglan, bikpela san i bin stap long Kenteburi we seremoni bilong putim nupela namba 105 Asbisop bilong Kenteburi na hetman bilong Angliken Sios long wol i bin kamap long kisim ples bilong Asbisop Rowan Williams i bin raun i kam long PNG las yia Septemba.

Liklik histori bilong nupela Asbisop bilong Kenteburi em, mama i karim em long London long 1956.

Em bin statim wok laip bilong em long oil bisnis. Em bin wanpela lei lida long wanpela peris long London unap em bin kisim trening na odinesen olsen pater na wok long daiosis bilong Coventry. Tu, em bin wok long rikonsiliesen ministri long katitrel.

Dispela wok i bin kisim em i go long Kenya, Nigeria, Demokretik ripablik bilong Kongo na Iraq.

Long yia 2007, em bin kamap Din bilong Livapul (Liverpool) Katitrel i stap long eben eria we pipel i no kisim tumas ol sevis.

Em i tok olsem wari na bikpela tingting bilong em long helpim ol turangu em i bihainim ol sosel skul bilong Roman Katolik Sios.

Long 2011, em bin kisim odinesen long kamap Bisop bilong Duban, tasol nau, em i go antap long kamap lida bilong Angliken Komyunien long wol.

Long PNG, ol Angliken misi-nari i bin kamap long Dogura long 1891 na tude, PNG i wanpela long ol 38 provins na hap bilong Angliken Yunien i gat moa long 80 milian bilip manmeri long moa long 160 kantri long wol.

## Pop Francis selebretim Gut Fonde lotu long Rom haus kalabus ... Wasim lek bilong ol kalabus

YUMI stap long Holiwik long kalenda bilong ol Kristen long wol na dispela em wik bai go bungim Ista long dispela Sande.

Olsem na ol bikpela sios i save gat ol selebresen long ol wan wan de inap long Ista Sande.

Tude em Holi Tesde o Gut Fonde we moa long 2,000 yia i go pinis, Jusas i bin sindaun wantaim ol 12-pela Aposel bilong em long laspela kaikai o "Last Supper" pastaim em i karim pen na dai long Diwai Krise long Gut Fraide.


Tasol pastaim ol i sindaun long las kaikai, Jisas i bin wasim lek bilong ol wanwan aposel long soim olsem ol i mas kamap olsem sevan long ol lain ol i sevim, na i no kamap olsem masta.

Nupela Pop Francis long tude Gut Fonde lotu bai selebretim misa lotu wantaim ol kalabus lain long Casal del Marmo haus kalabus long Rom, Dairekta bilong Pres Opis bilong Holy See, Jesuit Pater Federico Lombardi i tokaut long dispela.

Long ministri bilong em olsem Asbisop bilong Buenos Aires, Kadinel Bergoglio i save selebretim misa lotu lon g Gut Fonde long haus kalabus o long haus sik, o long hospis o ples we ol turangu i save stap long en.

"Selebresen long Casa del Marmo Pop Francis i bihainim wankain rot em save mekim pastaim i soim daun pasin na level we em i save go daun long ol liklik pipel na ol turangu.

"Olsem mi save, lotu bilong Laspela Kaikai em i karim mesej bilong mandato long laikim wanpela narapela na wasim leg"



**AMAMAS LONG NUPELA POP:** Ol lain bilong Sepik wara, Pagui i amamas tru long lukim pes bilong nupela Pop Francis. Sampela ol i bin harim long redio olsem i gat nupela Wasman bilong Katolik Sios tasol nau long Wantok Niuspepa ol i ken lukim pes bilong em na ritim stori bilong em wantaim. **Poto: Big Joe**

Pater Federico i tok.

Em i namba wan wokabaut bilong Pop Francis i go long haus kalabus taim em i kamap Pop, na em bai bihainim wokabaut bilong ol narapela pastaim long em olsem Pop John 23, Pop Paul 6, Pop John Paul 2 na Pop Benedict 16," Pater Federico i tok.

Em i tok Pop John Paul 2 i bin go long wankain haus kalabus long 1980 na wankain tu long Pop Benedict long Mas 2007 we em bin selebretim misa lotu wantaim ol kalabus lain long sapel bilong "Merciful Father".

Samting i narakain long dispela lotu na wasim lek seremoni em Pop Francis bai wasim lek bilong 12-pela kalabus man.

Wantaim ol narapela Pop, ol i save makim 12-pela pater long Pop i wasim lek bilong ol long Gut Fonde lotu.

Long wankain taim tu, Pop Francis i salim gutpela amamas toktok i go long Reveren Justin Welby em nupela Angliken Asbisop bilong Kenteburi (Cantebury) we selebresen bilong em i kamap hetman, mekim tok promis na kisim blesing i bin

kamap long las wik Fonde long Kenteburi Katitrel, London.

Taim Pop Francis i tok tenkyu long lida bilong Angliken Komyunien long ol gutpela toktok em bin salim taim em i kamap Pop long Trinde Mas 13, em bin tok "pastoral ministri em i singaut long wokabaut bihainim ol Gospel bilong Jisas.

"Mi tingim yu long preia taim yu kisim nupela ministri na wok, na mi askim yu tu long pre long mi taim mi harim nupela singaut bilong Bikpela," Santu Papa i tok.





**TOK PISIN NEWS**  
from Radio Australia  
radioaustralia.net.au

Harim TOK PISIN long  
Radio Australia  
**101.9FM**  
Port Moresby

**Tok Pisin Service**  
6am - 7am 6080; 7240(KHZ)  
7pm - 9pm 5995; 6020; 9710; 1280(KHZ)

## PNG Pei inlet Pot

WANPELA projek bilong wokim wanpela wof o sipbris long Galp provins, PNG, bai kamap kwik long halivim provins.

Leba na Industrial Rilesens Minista, Mark Maipakai, i tok hap graun we ol bai mekim dispela Pei Inlet Port o sipbris, em graun bilong en, na ol lain i go pas long tingting bilong dispela projek i no bin toksave na kisim tingting bilong en.

Minista Maipakai, husat tu i memba bilong Kikori ilektoret long Galp provins, i tok taim rot i konektim Sauten Hailans provins, Sentral na Pot Mosbi siti, ol sip bai kisim ol kago long ovasis o insait long kantri, i go kam long Pei Inlet Pot, na bihain ol kontena kar bai kisim kago i go long rot long Hailans rijen na Pot Mosbi.

Em i tok nau yet, olgeta kago em ol sip i save lodim na rausim long Lae sipbris long Morobe provins, na kisim long-

pela taim long kisim i go long Hailans rijen, o Pot Mosbi.

## PNG Praim Minista holim bek lis ripot

PRAIM Minista bilong Papua Niugini i no bihainim laik bilong em pastaim long autim wanpela Interim Ripot long ol lis i karamapim planti milian hekta.

Dispela ol lis bilong graun i kamapim pinis planti toktok kros.

Wanpela Komisn ov Inkwairi i bin mekim ol investigate-sen o wok painim long moa long 70 Spesol Agrikalsarel Bisnis Lis o SABL, na i karamapim moa long faiv milian hekta.

Ol pipel i no laikim dispela ol lis i tok, dispela em i bek dua we bilong katim daun ol bikbus na ol i givim aut planti long ol lis wantaim nogat gutpela tok orait long ol papa-graun.

Long stat bilong dispela mun, Komisn ov Inkwairi i bin givim i go, wanpela interim ripot long Praim Minista Peter O'Neill husat i tok ripot i soim ol slek gavman opisa i bin givim ol divelopa wanpela 'fri raid'.

Mista O'Neill i tok em bai putim interim ripot i go long palamen, tasol i tok long palamen olsem, em na kabinet i mekim disisen long wet long fainal ripot bilong Komisn, pastaim long ol i autim ol toktok long ripot i go long pablik.

Praim Minista i tok dispela interim ripot i no bin gat wanpela fainding o rekomendesen.

Em i tok fainal ripot bai pinis insait long tupela mun i kam.

## Papua Niugini NGO laikim ol lukautim ol historik hulston

WANPELA non gavman ogenaisesen (NGO) long Papua Niugini i askim long onlain petisen long ol siknesa o han-mak long lukautim ol historik kev o hulston long Is Sepik provins long taim bilong maining eksploresen wok.

Ol i putim dispela petisen long adres bilong Praim Minista, Peter O'Neill na Maining Minista

Byron Chan olsem wok bilong stopim gavman i givim eksploresen laisens, i go long wanpela han kampani bilong Rimbunan Hijau, bikpela loging kampani.

Ken Mondiai, husat em i Eksekutiv Dairekta bilong Patnas wantaim Melanesia, i bin tok olsem dispela grup i bilip strong long kisim sapot i kam long Pasifik, namel long ol Papua Niugini na intanesenel komyuniti.

Em i bin tok, long wanem i nogat inap wok bilong antropoloji na save long ol dispela hulston long dispela taim, na em i eli tumas long mekim ol wok maining eksploresen.

Mista Mondiai i tok, ol i no ken givim hevi long ol historik pepa na rekot i stap insait long ol dispela hulston.

Han kampani bilong Rimbunan Hijau, Pristine Namba 18, i aplai pinis long kisim eksploresen laisens long Karawari rijen bilong Is Sepik Provins.

Mista Mondiai i tok i gat samting olsem 300 hulston long Karawari rijen, na ating ol i mas moa long 20,000 krismas.

Antropolojis Nancy Sullivan, na wanpela tim bilong ol etnografa i wok pinis long dispela eria sevenpela yia nau.

Mista Mondiai i tok ol i gat bikpela wari olsem i no bin gat toktok na ol pipel long hap i no givim tok orait long dispela maining lis antap long graun bilong ol.

Mista Mondiai i tok grup i kisim pinis moa long 500 siknesa i kam inap long dispela taim.

## Askim i go long Pasifik i lukluk long riniuabel pawa

FOREN Minista bilong Nu Silan i tok ol Pasifik kantri i mas daunim hap long pawa ol i save kisim long non-riniuabel pawa, long foapela yia i kam.

Murray McCully i bin tokim Pasifik Eneji Samit dispela wok long Oklen (Auckland) i bin karim gutpela kaikai.

Em i tok ol i bin sainim pinis o tokaut long dinau mani long tri handret milian dola long mani bilong Australia i go long ol riniuabel eneji projek, na ol i bin ofaim \$200 milian olsem ol grent.

Mista McCully i tok dispela mani bai halivim na mekim ol Pasifik kantri i mitim hap long ol eneji nid bilong ol long pawa i kam long san na hairdo pawa stesin insait long foapela yia i kam.

Em i tok, em bai no amamas sapos ol i no lukluk raun long husat i stap klostu long ol na lukim i gat pinis 50 pesen yusim bilong riniuabel eneji long dispela foapela yia i kam.

I no gat planti eskusu tasol i mas i gat strongpela politikal tingting.



## MINISTRI BILONG LEBA NA INDUSTRIAL RILESENS

*(Nesanel Traipatait Konsaltetiv Kaunsil Sekreteriet)*

### PABLIK NOTIS

## TRAIPTAIT PATNAS AWENES WOKSOP

Ol Traipatait Patna – ol Employa, ol Wokmanmeri, Gavman na ol Mausmanmeri bilong ol insait long Momase Rijan, i mas luksave olsem wanpela Traipatait Patnas Awenes Woksop bai kamap we Nesanel Traipatait Konsaltetiv Kaunsil Sekreteriet (NTCCS), wantaim halivim bilong Dipatmen bilong Leba na Industrial Rilesens, bai go pas long en long tripela de long Trinde, Epril 3 i go inap Fraide, Epril 5, 2013 long Melanesian Hotel Konfrens Rum, Lae, Morobe Provins, long ol wok na polisi wok go het aninit long ol Lejislesen we Dipatmen bilong Leba na Industrial Rilesens i lukautim.

Ol Traipatait Patna na ol Mausmanmeri bilong ol i ken kam na stap insait long dispela Awenes Woksop, we bai gat ol presentesen na senis tingting long Leba na Industrial Rilesens.

Long save moa, plis ringim Peter L. Pokana, Ekting Asisten Dairekta (Polisi) o Mis Api Ravu, Ekting Administresen Opisa bilong NTCC Sekreteriet long telepon namba 321 1757 o feks namba 321 2476.

**Tok Orait i kam long:**

**GEORGE R. VASO**

Sekreteri

Dipatmen bilong Leba na Industrial Rilesens

**DESSIE PASMALENG MAINO**

Ekting Dairekta

NTCC Sekreteriet





# 5-pela moa dipatmen sainim kontrak



5-pela het ov dipatmen i bin sainim wok kontrak bilong ol wantaim Gavana Jeneral, Gren Sif, Sea Michael Ogio.

Dispela seremoni i bin kamap long Gavman Haus long Konedobu, NCD.

Ol het bilong dipatmen we i sainim wok kontrak bilong ol blong 4-pela yia em;

Charles Punaha, Sif Eksektiv Opisa, Nesanel Infomesen na Teknoloji Atoriti, Matio Rabura, Sif Maigresen Opisa, Mista Nelson Terema, Dairekta, Nesanel Rod Sefti Kaunsil, na Martin Balthazar, Komisina bilong Koreksenel Sevis. Ellison Towallom,

Dairekta, Nesanel Koodinesen Opis bilong Bugainvil Afeas i sainim apoinmen bilong 3-pela yia kontrak.

Seremoni i bin kamap long 10-kilok moning taim insait long gavman haus seremoni rum yet.

Man i makim Opis bilong Sekreteri bilong Personel

Mensemen Dipatmen, Desmond Timothy, Asisten Sekreteri bilong Sinia Eksektiv Sevis i bin witnessim ol dispela saining in seremoni. Long dispela taim tu, Steven Kaman, Minista bilong Bogenvil Afeas tu i bin stap long witnessim ol opisa i sainim kontrak bilong ol.

## WANTOK KOMENTRI

### Helti tingting na pasin ken strongim sindaun

INSAIT long wik i go pinis, yumi harim planti toktok long helt sindaun bilong yumi long PNG.

Ol lida bilong yumi i wok long pret long wanem planti long ol i wok long pundaun long sik i marasin long pinisim.

Long wankain taim, yumi lukim makim na amamasim bilong ol bikpela intanesenel na nesanel de wantaim.

Yumi lukim Wol TB De, we i stap bilong strongim tingting bilong ol pipel bilong yumi long pait strong long rausim sik TB.

Yumi lukim tu makim bilong Wol Wara De, we strong na yusim bilong wara, i kamap ples kliia.

Tru tumas, olgeta dispela ol bikpela de bilong luksave i sut long ol samting we i stap long as tru bilong sindaun bilong yumi long hia.

Nau yet long PNG, bai yumi no inap lukluk i go longwe long ol bikrot bilong yumi long luksave olsem ol pipel bilong yumi, i no save tingting taim ol i kaikai buai.

Samting we bipo em i pasin bilong tromoi pipia nabaut tasol, nau i kamap wanpela bikpela helt birua.

Birua long helt bilong yumi ol manmeri, na birua long helt bilong taun na siti.

Em nau. NCD Gavana Powes Parkop i wok long toktok strong tru long rausim pasin bilong kaikai buai na spet long olgeta hap long laik, i go aut long Mosbi siti.

Namba wan as em i laik rausim, em i save mekim ples i luk nogut, na namba tu, em i save mekim ol kain sik olsem TB i go bikpela moa.

#### Wankain olsem wara.

Dispela samting, em yumi long PNG i no save luksave olsem mipela i laki tru long inap long kisim fres wara.

I tru olsem i gat ol ples long kantri bilong yumi, we hevi bilong nogat gutpela wara, i wok kamap samting bilong oleta de. We bipo, em i hevi bilong wanwan taim o mun tasol.

Insait long ol taun na siti, wara i wok long givim laip, na wara i wok long kisim laip.

Tasol wanpela samting i kliia. Sapos yumi no lukautim gut wara bilong yumi, bai yumi bungim hevi yet.

Sapos yumi ol bikmanmeri bilong nau i no luksave long kain hevi bilong nogat wara, i no long taim, bai yumi luksave. Dispela tupela samting, em helt na sindaun bilong yumi, em ol bikpela samting.

Sapos wokman i sindaun gut, bai em i amamas long mekim gut wok. Sapos tingting na pasin bilong man i no klin, bai em i wok long mekim pasin we i doti yet, na bai em i bungim birua bilong sik klostuklostu.

Olsem na rot bilong painim gutpela taim na banis long kain ol birua olsem, em i no hat.

Em i samting bilong harim tok, na senisim pasin.

Em i stap long wanwan long yumi nau.

## WANTOK

Published Weekly, Thursday, for Word Publishing Company, Ltd.  
 P.O. Box 1982, Boroko, NCD  
 Papua New Guinea  
 Telephone: (675) 325 2500  
 Fax: (675) 325 2579

Email: [editorial@wantok.com.pg](mailto:editorial@wantok.com.pg)  
 Websait: [www.wantokniuspepa.com](http://www.wantokniuspepa.com)  
 Pe bilong wanpela yia. 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager  
 Elizabeth Konga

Editor  
 Neville Choi

Published at  
 Able Building Complex,  
 Sec 58 Lot 02,  
 Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



# Inoguresen Misa bilong Pop Francis....

## Homili toktok bilong Pop Francis long Inoguresen long Petrine Ministri Lotu

VATIKEN SITI, Mas 19, 2013

Dia ol Brata na Susa,

**M**i tok tenkyu long God Papa olsem mi ken selebretim dispela Holi Misa bilong inoguresen bilong Petrin Ministri bilong

mi long bel na luksave bilong Santu Josep, man bilong Santu Maria, na petron o pesman bilong yunivesal Sios. Em i wanpela gutpela kamap, na tu, em i nem de bilong bikman mi senisim nau: mipela i stap klostu long em long ol preia bilong yumi, wantaim gutpela bel, tok tenkyu, na luksave.

Mi salim gutpela griting i go long ol brata kadinel na bisop, ol pater, ol dikon, sios wokman na meri, na olgeta bilip manmeri. Mi tok tenkyu long ol mausman bilong ol arapela Sios na eklesia komyuniti, na tu ol mausman bilong ol komyuniti bilong Juda na ol arapela riljes komyuniti, long kamap na luksave bilong ol. Gutpela tok amamas i go long ol Hetman bilong ol Stet na Gavman, ol memba bilong ol opisal delegesen i kam long planti kantri raun long wol, na

Diplometik Ko.

Insait long Gospel mipela i harim olsem "Jose pi mekim olsem ensel bilong God i tokim em, na i kisim Maria olsem meri bilong em" (Mt 1:24). Ol dispela tok i strongim wok misin we God i givim long Josep: em bilong kamap 'custos' o wasman. Wasman bilong husat? Bilong Maria na Jisas; tasol dispela wok wasman i go moa long Sios, olsem Bleset John Paul II i bin tok klia: "Olsem Santu Jose pi bin lukautim Maria na i givim laip bilong em yet long bringim ap Jisas Kraiss, em i wasman na banisim Spirit bodi bilong Kraiss, em Sios, we Santu Maria i kamap wanpela piksa bilong ol arapela" (Redemptoris Custos, 1).

Josep i mekim wok bilong em olsem wasman, olsem wanem? Em i daunim em yet, em is tap isi, tasol em i gat strongpela bilip, maski em i no save long olgeta samting. Long taim em i maritim Maria, inap long taim em i painim Jisas taim em i gat 12-pela krismas, na i sanap long Tempol bilong Jerusalem, em i stap wantaim strong-

pela bilip. Olsem man bilong Maria, em i sanap long sait bilong em long gutpela taim, na long taim nogut, long rot i go long Betlehem bilong wok kainim, na long taim em i belwari long taim Maria i karim; long taim bilong ronawe i go long Ijip, na long taim bilong painim pikinini bilong ol insait long Tempol; na bihain, long laip bilong ol long Nasaret, insait long woksep we em i skulum Jisas long wok-kamda.

Josep i bekim singaut bilong em long kamap wasman bilong Maria, Jisas na Sios? Bikos em i oltaim putim iau long harim God, long luksave long taim God i stap klostu, na long redi long bihainim plen bilong God, na i no tingting bilong em yet. Dispela em samting God i bin askim long Devid, olsem mipela i harim long namba wan riding. God i no laikim wanpela haus man i mekim, tasol long stap tru long tok bilong em, na long bihainim plen bilong em. Em i God yet i mekim haus, tasol wantaim ol laip ston i gat banis bilong spirit bilong em.

Josep em i wanpela "wasman" bikos em ken harim save maus bilong God, na em i ken bihainim stia na laik bilong en; na long dispela as, em i op moa long ol manmeri i stap aninit long lukaut bilong em.

Em i ken lukluk gut long ol samting, na em i luksave long olgeta hap em i wokabaut, na mekim ol gutpela disisen. Long em, ol pren, mipela i ken kisim skul long we bilong bekim singaut bilong God, we mipela i redi tasol long kisim, na tu, mipela i ken lukim as tru bilong pasin Kristen bilip, em i Kraiss! Yumi mas lukautim na banisim gut Kraiss insait long laip bilong yumi, bai yumi ken banisim ol arapela, bai yumi ken banisim na lukautim gut laip!

Vokesen o wok bilong kamap olsem wanpela 'wasman', em i no samting bilong yumi ol Kristen o bilip manmeri tasol; em i gat wanpela sait we em i bilong man, na em i bilong olgeta manmeri. Em i minim was long, o banisim kriesen, o olgeta samting i kamap, luksave we i karim dispela ples graun, na Buk Jenesis i tokim mipela, wankain olsem Santu Francis bilong Assisi i soim mipela. Em i minim pasin bilong luksave long olgeta long ol samting God i mekim, na long luksave long ples yumi sindaun long en. Em i pasin bilong banisim ol pipel, soim laik pasin na belwari long olgeta wanwan manmeri, moa yet ol pikinini, ol lapun, ol lain turangu, we ol em ol laspela lain yumi save tingim. Em i minim lukautim ol arapela insait long ol famili bilong yumi: man na meri i mas banisim ol

yet, na bihain, olsem ol papamama, ol i mas banisim na lukautim ol pikinini bilong ol, na ol pikinini yet, long bihain, bai lukautim ol papamama bilong ol. Em i minim pasin bilong bildim ol gutpela pasin pren, we yumi banisim yumi yet long pasin bilong tras o bilip, rispek o luksave, na gutpela bel na pasin. Long pinis bilong en, olgeta samting i kam long han bilong yumi long banisim na lukautim, na yumi olgeta i mas mekim dispela wok. Long kamap ol wasman bilong ol presen bilong God!

Taim yumi ol man i no save inapim dispela wok, taim mipela i abrus long lukautim mama graun na ol brata susa bilong yumi, rot i save op long birua, na lewa bilong ol manmeri i save kamap ston. Tru tumas, long olgeta hap mak bilong histori, i save gat ol "Herod" husat i save toktok stil long kilim dai, bagarapim sindaun, na rausim strong long bilip bilong ol manmeri.

Plis, mi laik askim olgeta husat i holim bikpela wok insait long ekonomik, politikal na sosol laip, na olgeta manmeri wantaim gutpela bel na tingting: yumi mas kamap ol 'protekt o wasman' bilong kriesen o mama graun, ol wasman we God yet, long plen bilong em, i makim long lukautim ol arapela na ples graun bilong yumi.

Noken larim ol pasin birua na dai long poromanim wokabaut i go het long dispela plesgraun! Tasol long kamap ol 'wasman', yumi mas lukautim yumi yet! Yumi noken lus ting long pasin birua, jeles na apim nem bilong yumi yet long daunim laip bilong yumi! Wok 'wasman' i minim tu olsem yumi mas was long bel bilong yumi, long lewa bilong yumi, bikos tupela is tap long as bilong gutpela na nogut tingting: ol laik i save kirap na brukim daun yumi! Yumi noken pret long soim gutpela pasin, o laik pasin!

Long hia, mi laik tok wanpela moa samting: lukautim na banisim, i nidim gutpela bel na tingting, na i nidim yu long soim gutpela bel na laik pasin long arapela. Insait long ol Gospel, Santu Josep em i wanpela strongpela man, i save wok hat, tasol insait long lewa bilong em, yumi lukim gutpela laik pasin tru, we i no samting bilong ol lain i nogat strong. Em i mak long spirit i strong, na inap long soim belisi, long opim bel long ol arapela, long strongim laik pasin. Yumi noken pretim gutpela bel o pasin!

Tude, wantaim fisde bilong Santu Josep, mipela i selebretim kirap bilong ministri bilong nupeula Bisop bilong Rom, man i bihainim lain bilong Pita,

husat i holim sampela pawa. Tru tumas, Jisas Kraiss i bin givim pawa long Pita, tasol em wanem kain pawa tru?

Tripela kwesten Jisas i askim Pita long sait bilong pasin laik o lav, i gat tripela koman o tok i bihainim: givim kaikai long ol bebi sipsip, givim kaikai long ol sipsip. Yumi noken lus tingting long strong an luksave bilong pawa, we em i sevis, na Pop tu, taim em i yusim dispela pawa, i mas go insait moa long dispela wok sevis we i soim lait na strong bilong Kruse. Em i mas kisim tingting long isi, strongpela na bilip sevis we i makim Santu Josep na, olsem em, i mas opim han long banisim olgeta pipel bilong God, na wantaim bikpela pasin laikim, lukautim olgeta manmeri, moa yet ol turangu, ol i nogat strong olgeta, na i nogat nem, ol dispela Matthew i tok long fainal jasmen long lav: em ol i nogat kaikai, i nogat wara, i nogat famili, i nogat klos, ol sikmanmeri, na ol lain kalabus (cf. Mt 25:31-46). Ol dispela tasol i wok wantaim lav na gutpela bel, bai gat banis!

Long namba tu riding, Santu Paul i tok stori long Abraham, husat, "bilip bilong en i winim olgeta arapela bilip" (Rom 4:18). Holim strong Bilip! Tude tu, namel long bikpela tudak, mipela i mas lukim lait bilong hop na long kamap man na meri husat i ken bringim bilip i go long ol arapela. Long banisim kriesen, long banisim olgeta man na olgeta meri, long lukluk long ol wantaim gutpela laik pasin na lav, em long opim tingting na bilip; em bilong larim lait i brukim ol bilakpela klaut; em i bilong bringim gutpela taim bilong bilip! Bilong ol bilipmanmeri, long mipela ol Kristen, olsem Abraham, olsem Santu Josep, bilip mipela i bringim, i bihainim kirap bilong God, we i op long ai bilong yumi wantaim Kraiss. Dispela bilip i sanap long ston we i God.

Long banisim Jisas na Maria, long banisim kriesen, long banisim wanwan manmeri, na moa yet ol lain turangu, long banisim yumi yet; dispela em i wanpela sevis na wok we Bisop bilong Rom i mas karimaut, tasol we yumi olgeta i mas kisim na luksave long singaut, bai sta bilong bilip bai sain strong. Yumi mas banisim wantaim lav, olgeta we God i givim long yumi!

Mi askim halivim bilong Santu Maria, Santu Josep, Santu Pita na Pol, na Santu Fransis, bai Holi Spirit i wok-abaut wantaim mi na ministri bilong mi, na mi askim yupela olgeta long prea long strongim mi! Amen.



**Dispela pes i kam wantaim sapat bilong Catholic Bishops Conference bilong PNG na Solomon Ailan**





Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wangepa singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - NIUS - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

SANDE - Nait
7PM Stesen op - Ol Nius Hetlain/Program Priviu
7:05PM Musik na Chit Chat

Raun wantaim Wantok kru ...

HITnet kamapim tas skrin masin bilong lukim muvi

Nicky Bernard i raiitm

HITnet em wangepa liklik kampani bilong Australia husat i kamapim wangepa masin bilong lukim piksa.

HITnet tu save mekim ol sampela sotpela piksa muvi long skulim ol pikinini na ol pablik manmeri long we bilong Helt olsem AIDS, long we bilong lukautim mani, we bilong pulim Turis, komuniti skul na planti ol liklik piksa muvi long skulim ol manmeri long komuniti.

HITnet save givim awens long sampela liklik komuniti long ol Abrujiinis long Australia na tu long Papua Niugini. HITnet em wangepa liklik kampani na em wok long em yet long mekim dispela ol liklik piksa muvi.

Wantok Niuspepa i



Helen soim sampela long ol sotpela piksa long lep-top bilong em. Poto Nicky Bernard

bungim wangepa meri nem bilong em Helen husat bin wok long wangepa yunivesiti long Australia na nau em wok wantaim HITnet, Helen bin raun go long Manus long yia i go pinis na mekim sampela piksa muvi long sampela liklik ples, dispela ol piksa

muvi em long soim ol olsem ol ken mekim awenes long en. Helen i tok dispela nupela tas skrin masin em taim yu laik lukim wanem kain piksa muvi bilong awene yu bai tasim tasol na dispela piksa muvi bai kam on. Dispela nupela

masin em gutpela long putim long epot, benk, haus sik na sampela hap we bai helpim ol manmeri long painim aut moa long ol samt-ing ol laikim. Olsem long epot ol Turis ken kam na tasim wanem liklik ples ol laik go long en, na piksa

muvi bilong dispela liklik ples bai kam on na ol bai lukim na bihainim skul long dispela piksa muvi. Helen tok dispela liklik masin em gutpela tru na sapos husat laikim bai go long Remington Teknoloji na ol bai kisim bilong yu.

EMTV Television Guide

FONDE MAS 28, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY
6:00 AM G TODAY

NRL ROUND 4 - GAME 1

7:00 PM G SEA EAGLES vs. WEST TIGERS
9:00 PM G RESOURCE PNG EP#
9:52 pm G SOKAXTRA

THE DESCENDANTS (2011)

1:40pm THE PASSION OF CHRIST (2004)
3:30 PM G KIDS KONA
3:30 PM SHARKY'S FRIENDS

ULTIMATE GUINNESS WORLD

8:00 AM G YOGA SUTRA - EP#1
8:30 AM G AUSTRALIA NETWORK
12:00NN PGR BARABBAS

HILLSONG

7:00 AM G AUSTRALIA NETWORK
7:30 AM G AUSTRALIA NETWORK
8:00 AM G YOGA SUTRA - EP#2-

FRAIDE MAS 29, 2013

4:57 AM G AUSTRALIA NETWORK
5:00 AM G JOYCE MEYER
5:30 AM G EMTV NEWS REPLAY

SARARE MAS 30, 2013

4:57 AM G AUSTRALIA NETWORK
6:30 AM G EMTV NEWS REPLAY

SANDE MAS 31, 2013

4:57 AM G AUSTRALIA NETWORK
6:00 AM G EMTV NEWS REPLAY
6:30 AM G IT IS WRITTEN -

GOOD FRIDAY - PUBLIC HOLIDAY

Easter Movies
9:00am HOP
10:30am CINDERELLA



# TORO



# BIABIA



# KANAGE



# TOKWIN

### Blak jisas eskeip long ista?...

Kalt lida bilong Madang, blak jisas i makim taim stret long eskeip long kalabus wantaim ol arapela kalabus...Em i mas mastamainim dispela eskeip wantaim ol arapela kalabus man long ista de stret...Bikos long dispela de em Jisas Kraiss bilong Galilea i dai long kros... Oh sore, mi sore long dispela blak jisas bilong Madang yah, sapos ol woda na polis i holim, tru tru bai ol i

hangamapim long diwai na wipim em stret!..Lusim em, em tu man yah.. Em mas eskeip long go sekim ol flaua gels bilong em i stap o?, o ol marit pinis...Hahaha!!!

### Plis lukautim ol Ledabek Trausel bilong yumi...

Long fran kawa pes bilong *National niuspepa Fraide Mas 22, 2013* i soim ol ples lain bilong Sagel na Lalok kilim wanpela ledabek trausel i brukim loa bilong Conservation na Marine laip. I gat wanpela grup long Madang i save lukautim dispela loa i mas go

long dispela ples na sasim ol dispela ples lain long long kilim dai wanpela endejes spesis bilong yumi PNG...Plis yumi mas lukautim ol animal bilong solwara gut bikos klostu nau bai ol i pinis long solwara na yu lukim ol poto tasol... Ol tumbuna bilong bihaintaim bai i no moa save long ol dispela trausel na lukim ol tasol long poto na askim... Mi no save lukim dispela kain animol long solwara bilong yumi?... Ye, bikos stupid tumbuna bilong yu i kilim olgeta na kaikai pinis!!! Kamon,Wens! Karim ol i go kot!

Tokwin Tasol...

M	A	N	U	S	N	A	L	E	A	H	N	E	T	S	E	W	
Y	A	M	V	E	S	I	N	O	L	A	R	T	E	K	E	D	
E	A	D	E	A	A	M	E	L	A	R	T	N	E	S	P	C	
S	R	E	A	E	I	S	S	E	P	I	K	P	T	A	O	N	
N	B	B	V	N	C	L	Q	O	Z	R	N	E	V	Z	K	E	
U	N	O	W	R	B	I	A	R	W	F	N	I	D	G	L	S	
B	J	R	Q	T	S	U	F	N	H	Z	F	A	T	V	I	N	
R	B	O	G	E	N	V	I	L	C	O	H	S	I	D	B	A	
E	C	M	S	U	B	R	W	E	T	K	N	E	M	N	Y	L	
T	E	C	D	I	S	I	M	B	U	L	B	Z	R	U	F	I	
E	N	G	A	O	P	E	Z	E	S	N	P	V	E	A	C	A	
N	T	A	E	L	U	W	S	W	E	H	I	P	D	D	O	H	
S	W	B	P	E	I	D	A	L	V	Y	O	L	F	N	U	N	
W	E	S	N	U	B	R	E	T	E	N	I	J	A	P	A	N	E
B	E	I	V	X	N	M	C	P	O	Z	M	G	P	S	B	T	
T	N	M	S	W	A	I	O	B	N	C	V	P	P	T	C	S	
S	A	U	T	E	N	H	A	I	L	A	N	S	O	R	O	E	

Palaim ol dispela provins bilong yumi:

MANUS	NU AILAN
IS NU BRITEN	WES NU BRITEN
BOGENVIL	MOROBE
MILEN BE	NCD
WESTEN	ORO
IS SEPIK	SANDAUN
MADANG	ENGA
SIMBU	GALP
CENTRAL	WESTEN HAILANS
ISTEN HAILANS	SALUTEN HAILANS

3		6	4	2		5
				3		1 6
		9		5 7		4
9		2			6 7 5	
8 7						6 9
		6 3 9			4	8
4			5 6		3	
6 9				2		
5			7		8 6	2

2	7	4	9	6	3	1	8	5
5	3	9	4	8	1	7	2	6
6	8	1	5	2	7	4	9	3
7	5	2	1	4	8	6	3	9
4	1	3	6	9	5	2	7	8
9	6	8	7	3	2	5	4	1
1	2	7	8	5	9	3	6	4
8	4	5	3	7	6	9	1	2
3	9	6	2	1	4	8	5	7

Ansa bilong las wik Sudoku

Ansa bilong las wik Pasol

A	I	R	N	I	U	G	I	N	I			K	A	G	O	A		
																R	I	
P	S		S	I	A	L	E	T								I	R	
L	E											A					L	
E	A	K								K	N					S	I	
S		I		I						O						U	N	
B		P	N							I	P					T	E	
A	I		J							T					I	K	S	
L	T				A					A	I					E	P	
U	I					K	N					K				S	N	
S	R					S	E					T	E				G	
U			D							T		E	T					
Y						N						K						
T	K	A											S	I	A			
I	E	L				P	A	I	L	O	T	I					M	
S													B	A	L	U	S	A
I			J	I	U	S	E	A	H	O	S	T	E	S	F			

# EMTV Television Guide

11:30 PM G <b>HILLSONG</b> Rpt....	2:30pm DEPI Program	5:30 AM G <b>EMTV NEWS REPLAY</b>	<b>All The Way</b>	3:30 PM SHARKY'S FRIENDS
12:00 PM G <b>NATIONAL EMTV NEWS - Replay</b>	3:30 PM G <b>KIDS KONA</b>	6:30 AM G <b>TODAY</b>	9:30 PM G <b>EMTV NEWS REPLAY</b>	4:00PM SURPRISES
12:30 AM G <b>AUSTRALIA NETWORK</b>	3:30 PM SHARKY'S FRIENDS Ep#32/65	9:00 AM <b>CLASSROOM BROADCAST</b>	10:30 PM G <b>AUSTRALIA NETWORK</b>	4:30PM SLEEPOVER CLUB
<b>MANDE MAS 25, 2013</b>	4:00PM SURPRISES Ep#19/25	9:00am Grade 7 Mathematics		5:00 PM G <b>MR. MAKER #9</b>
	4:30PM SLEEPOVER CLUB- Ep#7/26	9:50am Grade 7 Science		5:30 PM G <b>FUNNIEST HOME VIDEO SHOW</b>
	5:00 PM G <b>KITCHEN WHIZ S3/26</b>	10:40am Grade 8 Mathematics		5:57 PM G <b>CRIME STOPPERS</b>
	5:30 PM G <b>FUNNIEST HOME VIDEO SHOW</b>	11:20am Grade 8 Science		6:00 PM G <b>EMTV NATIONAL NEWS</b>
	5:57 PM G <b>CRIME STOPPERS</b>	1:00pm Grade 6 Mathematics		7:00 PM G <b>FACT FILES</b>
	6:00 PM G <b>EMTV NATIONAL NEWS</b>	1:50pm Grade 6 Science	4:57 AM G <b>AUSTRALIA NETWORK</b>	8:00 PM G <b>TOKPIKSAEp#10- Repeat....</b>
	7:00 PM G <b>NRL ROUND 3 - GAME 8 - KNIGHTS vs. COWBOYS</b>	2:30pm DEPI Program	5:00 AM G <b>JOYCE MEYER</b>	8:30 PM PGR <b>THE MENTALIST S1 EP#11/23 - Red John's Friends</b>
	8:57 PM G <b>EMTV TOKSAVE</b>	3:30 PM G <b>KIDS KONA</b>	5:30 AM G <b>EMTV NEWS REPLAY</b>	9:30 PM G <b>EMTV NEWS REPLAY....</b>
	9:00 PM G <b>SPORTS SCENE EP#08</b>	3:30 PM SHARKY'S FRIENDS -#33	<b>TODAY</b>	10:30 PM G AUSTRALIA NETWORK
	9:30 PM G <b>EMTV NEWS REPLAY</b>	4:00PM SURPRISES -#20	<b>CLASSROOM BROADCAST</b>	
	10:30 PM G <b>AUSTRALIA NETWORK</b>	4:30PM SLEEPOVER CLUB -#27	Grade 7 Mathematics	
		5:00 PM G <b>KITCHEN WHIZ - S3/27</b>	Grade 7 Science	
		5:30 PM G <b>FUNNIEST HOME VIDEO SHOW</b>	Grade 8 Mathematics	
		6:00 PM G <b>EMTV NATIONAL NEWS</b>	Grade 8 Science	
		7:00 PM G <b>HAUS &amp; HOME</b>	Grade 8 Science	
		8:00 PM G <b>BUSINESS PNG - Ep#10</b>	Grade 6 Mathematics	
		8:30 PM PGR <b>NIKITA S1/EP# 11 -</b>	Grade 6 Science	
			DEPI Program	
			3:30 PM G <b>KIDS KONA</b>	

Ol Progam na Kilok i ken tenis oltaim...



# Raun wantaim Kanage olgeta wik



**NEM:** Joshua Malken  
**KRISMAS:** 30 (Man)  
**ADRES:** PO. Box 4132, Destiny F/Ship, Lae Morobe Provins  
**SAVE LAIKIM:** Go Lotu, pilai musik, singsing na preisim God, ritim Baibel, harim gospol musik, mekim gaden na laikim wanpela lotu meri husat i save go lotu long stap wantaim oltaim.

**NEM:** Elijah Hombo  
**KRISMAS:** 23 (Man)  
**ADRES:** Nisol Elementary School, PO. Box 538, Lae 411, Morobe Provins  
**SAVE LAIKIM:** Raitim leta, Pilai soka, Volibol, Harim musik, Ritim Niuspepa, Go Lotu, Tok pilai na mekim pren.

**NEM:** Danny Henz  
**KRISMAS:** 38 (man)  
**ADRES:** PO. Box 4731, Lae, Morobe Provins  
**SAVE LAIKIM:** Pilai gita, Go Lotu, Pilai soka, wokim haus na gaden.

**NEM:** Stanford Jackson  
**KRISMAS:** 18 (Man)  
**ADRES:** Komnaik Stationary Ltd, PO. Box 182, Mendi, SHP  
**SAVE LAIKIM:** Go Lotu, Watsim TV, Pilai ragbi tas, Tok pilai na stori wantaim ol lain.

**NEM:** Dulcie Ben Mandi  
**KRISMAS:** 23 (Meri)  
**ADRES:** M&S Tsang Cash & Carry, PO. Box 19, Madang, Madang Provins  
**SAVE LAIKIM:** Ritim Baibel, Harim gospol musik, Pilai gita, Go Lotu, Serim tok bilong God na ol samting long ol arapela, Wasim klos na Klinim haus.

**NEM:** Mocksy Gudego  
**KRISMAS:** 19 (Meri)  
**ADRES:** C/- Joshua Sono, PO. Box 77, Kiunga, Westen Provins  
**SAVE LAIKIM:** Pilai Musik, Harim musik na ritim buk.

**NEM:** Ivan Gudego  
**KRISMAS:** 17 (Man)  
**ADRES:** C/- Joshua Sono, PO. Box 77, Kiunga, Westen Provins  
**SAVE LAIKIM:** Go Lotu, Harim musik na painim poro.

**NEM:** Peter Kul  
**KRISMAS:** 22 (Man)  
**ADRES:** St. Edward Ambang - C/- PO. Box 28, Banz, Jiwaka Provins  
**SAVE LAIKIM:** Raitim leta, Ritim buk, Pilai gems, Tok pilai, Harim musik na watsim TV.

**NEM:** Junior B. Dii  
**KRISMAS:** 31 (Man)  
**ADRES:** College of Distance Education, PO. Box 2071, Yomba, Madang Provins  
**SAVE LAIKIM:** Go danis, Harim musik, Watsim TV, Tok pilai, Kisim wara na go swim

**NEM:** Yakias James  
**KRISMAS:** 18 (man)  
**ADRES:** Annia Village C/- Kanabea, Catholic Mission, PO. Box 220, Kerema, Gulf Provins  
**SAVE LAIKIM:** Ritim Niuspepa, Pilai musik, Pilai soka, volibol, basket bol, Harim Stori.

## Kon takisman...

KANAGE kamap olsem wanpela takisman bilong NCDC na raun kolektim mani long Renbo maket. Em go kolektim K2 long olgeta selsmanmeri long hap.

Em tokim ol olsem, em tasol wok long klinim dispela maket long nait na em i gat rait long kolektim K2 long olgeta husat i kam maket long hia.

Nau em go lukim ol meri Hula husat i salim pis long hap na askim long K2 takis long pis bilong ol.

Nau wanpela meri Hula i askim em long ID bilong em na Kanage mekim tok em lusim long beg bilong em. Nau meri Hula askim em long givim nem bilong em so em ken go askim man bilong em husat i bos long NCDC Maket na supavaisa bilong klinim olgeta maket long NCDC.

Kanage kirap nogut long harim olsem. Hariap tru em kirap na tok, Oii!! Yu misis bilong Bos ah??? Maski, yu ken salim ol pis bilong yu, yu em fri tasol, nogat takis. Kanage tok olsem tasol na em tek-of!! Long sem taim masta bilong meri i kam long sekim misis bilong em.

Misis tokim em olsem i gat



wanpela takisman bilong maket i stap hia long Renbo o nogat?

Man bilong em i bekim na tok dispela maket hia i no maket tru tru olsem na nogat wokman bilong NCDC i stap long hia.

Taim olgeta manmeri i harim olsem, ol i painim Kanage long kilim em na kisim bek mani bilong ol.

Tasol nogat, bagaman em lus pinis na go hait long blok baksait long Renbo viles.

## Stilim mobail pon...

Kanage baim wanpela top klas nupela mobail pon (K150) na so-of stret. Em ringim misis bilong em na tokim em olsem em i gat wanpela mobail pon we yu ken lukim TV na kisim poto na harim olgeta stesin bilong redio.

Nau long apinun bagaman go sanap long 4mail bastop na kisim bas i go long Badili na em sanap arere long dua stret.

Sampela ol raskol i lukim Kanage wantaim mobail pon bilong em na giaman go sanap arere long dua bilong PMV na wetim PMV long tek-of.

Long taim PMV i laik tek-of, ol i giaman long askim Kanage long kilok long mobail pon na Kanage rausim ekspensiv mobail pon bilong em na sekim wanem taim nau. Em laik tok, em hapas 4 seim taim bas em muv. Wanpela raskol i tromoi han i go tasol na rausim ekspensiv mobail pon long han bilong Kanage na tek-of.

Kanage em bikmaus, tasol bas em givim siksti pinis na i hat long kalap. Taim em go kamap long haus, misis laik lukim ekspensiv mobail pon bilong kanage na askim em. Kanage em putim het go daun na kra i isi isi tasol.

Dillan Jay - Renbo

Ol skwat!  
 Salim ol gutpela Kanage tok pilai i kam long:  
 Kanage Tok Pilai  
 P.O. Box 1982,  
 Boroko, NCD  
 Port Moresby.  
 Email: [jwilson@wantok.com.pg](mailto:jwilson@wantok.com.pg)

# No laikim namba tu pikinini

## Dia Laipain,

Mi gat 20 krismas na mi gat wanpela pikinini em mama bilong mi i lukautim i stap.

Long las yia, papa bilong mi i bin lusim mama na mipela famili, na i kisim nupela na yangpela meri. Olsem na wanpela rot long mama i kisim mani na lukautim ol susa na brata bilong mi em long mani mi kisim taim mi wok. Tasol mama i save krosim mi olgeta taim.

Nau mi no lukim sik mun bilong mi na mi pret nogut mi gat bel gen. Boipren bilong mi i yangpela moa long mi na em i no amamas long dispela. Na em i tingting long lusim skul na go long ples. Em i no laik lukim mi gen tasol mi tu mi no laikim em.

Laip bai i hat long mi na sapos mi no rausim dispela bebi mi karim long bel, bai mi kilim mi yet.

## SINGLE MOTHER IN DILEMMA.

### Dia pren,

Mipela i save kisim planti pas wankain olsem bilong yu long planti ol yangpela meri. Na mipela i luksave long pret pasin na wari yu gat long en. Pren, yu tok yu laik kilim yu yet, tasol yu tingim tu ol wari na hevi bai yu kamapim sapos yu go het na mekim samting yu tingting long mekim?

Bai em i helpim husat sapos yu kilim yu yet bikos yu pret na wari bikos yu gat bel gen?

Sapos yu dai, liklik pikinini bilong yu bai i nogat papa na mama. Na ol narapela lain bai i nogat mani long lukautim em na givim em kaikai. Mipela i bilip olsem laip bai i gat moa mining sapos yu kisim helpim long wari yu gat nau long em. Na yu lainim sampela lesen long em na bi yu traim long abrusim mekim wankain hevi long ol taim i kam.

Mipela i sori olsem laip bilong yu i no gutpela tumas wantaim ol wari na hevi. Papa bilong yu i no givim gutpela piksa na nau, mama bilong yu i kisim mani tasol em i no tok tenkyu long yu tasol em i krosim yu.



Yu tu i bin mas hariap long tok yesa long manki husat i mekim yu amamas long liklik taim tasol. Tasol mipela i bilip olsem yu yet i mas nau fesim o luksave olsem yet i no bin strong inap long kamapim dispela hevi yu stap nau long en. Mipela i strongim yu long luksave olsem yu yet i bin rong. Taim yu luksave long rong bilong yu bai yu ken inap long stretim ol hevi we bai yu bungim long bihain taim.

Pren, wanem ol samting yu ken mekim? Namba wan, painimaut olsem yu trutru i gat bel bikos sampela taim, wari i ken mekim na yu no kisim sikmun o sapos nogat, bai yu lukim leit. Tasol sapos yu go long toilet long pispis planti taim o yu save trauf long moning, dispela em ol trupela sainmak olsem yu gat bel. Sapos yu strong na tingting bilong yu i stap stret, i nogat as long kilim dai bebi. Long buk Baibel, God i tambuim pasin bilong kilim dai o rausim bebi, na lo bioong PNG i sapotim tu dispela. Mipela i enkarijim yu long toktok gut wantaim mama bilong yu na yupela i ken kamap gutpela poroman long wanem, em i wanpela long ol husat bai stap olgeta taim na helpim yu sapos yu bungim hevi.

Pren, tru karim gen narapela pikinini i ken mekim yu i no amamas na kamapim planti wari, tasol mipela i askim yu long noken tingim yu yet na ol wari yu gat long em na tingim tu ol narapela. Mama bilong yu i hat hat long yu tasol tingim ol hevi em i karim long en. Man bilong em na papa bilong yu i bin lusim em long maritim wanpela yangpela meri. Na taim yu gat bel namba tu taim gen, dispela bai putim moa hevi i go antap long em (mama bi-

long yu). Mipela i bilip olsem ol dispela samting i mekim em na em i hat hat long yu.

Sapos yu ken wanbel long disisen o tingting bilong manki i no laik lukim yu gen na sapos yu ken stromgim em long skruim skul bilong em. Na i no ken lusim skul na go long ples.

Sapos boipren bilong yu em i papa long nambawan na namba tu pikinini, em inap long helpim lukautim ol sapoa em i pinisim skul na kisim wok. Mipela i bilip olsem yu na boipren bilong yu i kisim skul long dispela na tu, long ol narapela husat i tingting long wankain laipstail olsem.

Tasol long yu, mipela i askim yu long traim tok tenkyu long mama bilong yu long lukautim pikinini bilong yu na em i ken tok tenkyu long yu long helpim bilong yu na traim long kamapim bel gut namel long yu tupela.

Mipela i enkarijim yu long askim helpim bilong Bikman husat i as long strong bilong yumi long gutpela na nogut taim. Yumi olgeta i save wokim asua tasol mipela i askim yu long singaut long Bikman long pogivim o lusim ol rong bilong yu. Ritim 1 John 1:19.

Bel gut na amamas we Bikman i save givim bai stap oltaim na i no olsem dispela we mani givim long dispela graun. Na olsem, toktok long em tu. Ritim Romans Sapta 7:14-23.

## Pren bilong yu Laipain

**Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu. Laipain**



# William yusim lokal save long kamapim rais masin ...em yusim pedal na sein bilong baisikol

James Geno Kila i raitim

**W**ILLIAM Wageng em wanpela simpol man bilong ples, tasol bagaros ya em wanpela fit man stret na lokal inventa, o man husat i wokim rais-masin long rausim skin bilong lokal rais yusim save bilong em yet long ples.

William i yusim ol olupela pats na pedal na sein bilong baisikol o wilwil long wokim wanpela tresa rais-masin bilong rausim grein bilong rais

Wantok Niuspepa i bungim dispela man long ples Bom long Astrolabe Be long Raikos distrik long Madang provins.

William i no save kaikai buai tasol em save laikim simuk brus wantaim pepa em i rolim. Planti taim em save karim wanpela roksak o beg long baksait na wokabout raun. Sampela taim tu em save karim liklik taul long nek bilong em long klinim tuat.

William i maritim wanpela naispela meri nem bilong em Rudi na tupela i gat tripela pikinini. Dispela meri tu i save sapotim gutpela wok bilong William na ol progem bilong wok William i save wokim i save ron ora it tasol. Kain pasin ol i save tok olsem "Baksait long wanpela strongpela Man, Meri i save stap tu"

William i pinisim gret 6 tasol long Bogadjim praimeri skul long 1992 na bihain boi i go skul long Bau Vokesinol Trening Senta long Trans-Gogol eria long Madang provins yet. Bihain long em i pinis skul long 1995, William i go bek long ples na mekim wok long sait long agrikalsa faming na planim rais, kakao na ol arapela gaden kaikai long sapotim famili bilong em. Tasol intares bilong em long helpim ol pipel na kamapim ol samting long strongim sindaun bilong em long ples i strong moa yet.

"Mi yet mi luksave olsem rais em wanpela kaikai, we bihain long yumi planim na larim i stap wantaim grein, em bai stap longpela taim insait long beg, na bihainim yumi karim i go masinim na rausim pipia na yumi ken kaikai," William i tok.

Dispela toktok bilong William em trupela tok. Nau yet William wantaim meri bilong em Rudi na ol pikinini i no save kaikai ol rais bilong stua. Ol i save kaikai lokal rais bilong ol yet, em ol i kisim long gaden bilong ol yet.

William i stori olsem dispela tingting bilong wokim simpol tresa rais-masin long rausim grain rais long ol arapela pipia em yet i tingting na wokim.

"Mi yet bin gat baisikol mi save yusim pastaim long ron i go kam, na mi save painim ol hap hap pats nabaut na bungim i stap long yusim long fiksिम baisikol bilong mi,


"Olsem na taim dispela tingting bilong wokim tresa rais-masin i kamap, mi yusim tasol ol pats olsem pedal na sein bilong baisikol long putim long sait sait long bet bilong tresa-masin long mekim em i raun raun olsem wilwil na wantaim ol sap bilong mambu mi nilim long wilwil, em bai rausim ol grein bilong rais," William i tok.

William i tok planti taim bihain long em i bringim drai rais i go long ples long rausim ol skin bilong em, em wantaim pikinini man bilong em Roger i save yusim dispela traisa masin long wok. Roger i save holim pedal bilong baisikol na muvim na sein i save muv raun na William i save holim rais, na ol mambu tit we em i putim long bet bilong traisa i save rausim ol skin bilong rais na grein i save pundaun long sel em i putim aninit long masin.

Em i tokaut tu olsem sampela lain long ples i lukim tresa masin bilong rausim grein na pipia bilong rais na mangalim stret, tasol ol yet i no save long wokim.

Dispela o ain na ol sein na pats bilong

William i soim ol olupela pats bilong baisikol em save yusim long wokim tresa-masin. Ol Poto: James Kila



William wantaim meri bilong em na ol pikinini long rais gaden long Bom ples.



Em skulim ol meri long bom long kukim graun na wokim neseri long planim ol sid bilong kumu.



William i sindaun na soim Ramu NiCo agrikalsa trening opisa Aldam Bande tresa rais-masin long rausim skin bilong rais.

baisikol i gat yus bilong em, na kain ples man olsem William i luksave long dispela na kamapim wanpela teknologi we ol arapela i ken lukim na bihainim tu long helpim ol yet long rausim pipia long rais na lukim grein.

Gutpela save bilong William em ol autsait lain i luksave pinis bikos em wanpela man bilong hatwok stret. Em i no save wari long kisim pei, tasol em save wok strong olsem wanpela voluntia na i save bringim skul bilong rais i go long planti ples insait long Astrolabe Be na tu arapela hap bilong Madang provins.

Madang Provinsal DAL (Dipatmen ov Agrikalsa en Laipstok) ofis lain i luksave tu long gutpela wok bilong William, na meri husat i go pas long Fud Krops, Mary Lilih, i bin askim William long go stap long ol trening bilong rais prodaksen long ol arapela eria insait long progem bilong Madang provinsal DAL.

Ramu NiCo Menesmen (MCC) Komyuniti Afes agrikalsa seksen i luksave tu long gutpela wok bilong William na i save yusim em long bringim aut rais trening em i kari-maut insait long Kostal Paipain Projek eria

bilong en.

Ol agrikalsa wok lain bilong Ramu NiCo i save yusim William long helpim ol long bringim aut agrikalsa trening long ol manmeri long ples long eria bilong groim rais na milim, wokim ol neseri bilong planim kumu na sayor na tu ol aweanes long kamapim fud prodaksen long ples.

William i tok insait long Bom viles, em i go pas long 90-pela manmeri insait long wok bilong rais na fud prodaksen, na dispela ol lain em ol model famers.

Dispela stail man bilong Bom viles, William i bin go aut tu long ol arapela ples aninit long program bilong Madang provinsal DAL long stap insait long ol rais trening. Wanpela trening em i go long en long las yia em long Wasab long Not Kos Rot (NCR) long Madang.

Em i tok aninit long ol wok program we em i stap olsem voluntia trena, William i bin helpim long wokim ol fud krops trening long ples olsem Kumisanger, Kul, Lila, Marakum, Lalok, Bom na Erima. Em i helpim tu long gimim trening bilong rais long Gum viles klostu long Madang taun.

Agrikalsa supavaisa wantaim Ramu NiCo (MCC), Allan Wahwah i tok olsem William em wanpela gutpela model fama husat i stap long ples tasol ol i save yusim em olsem fama-kontek o man we ol i ken gimim trenining na em bai bringim trening ya i go long ol pipel insait long ol viles na haus-lain komyuniti.

Tru tumas, William em wanpela kain hatwok man na kain stail bilong em long wokim samting yusim ol pats nabaut na kamapim wanpela rais masin long ples i soim olsem em wanpela lokal inventa.

Ating kain save bilong em i soim olsem em i no inap long westim taim long ol arapela i helpim. Em yet i helpim em yet, famili bilong em na komyuniti, wantaim gutpela save em i gat.

Moabeta, ol komyuniti na tu ol lain ofisal bilong gavman, husat i save glasim ol kain gutpela hatwok lain na gutpela piksa long komyuniti na gimim ol Logohu awot. William em trupela man we i ken winim Logohu, bikos em i helpim planti lain wantaim agrikalsa save bilong em.

Em wanpela bagaros bilong "Wass" stret.



# Tait-wara bagarapim timba kampani eria long Yalau

**WANPELA timba kampani bilong kantri Malaysia, husat i gat kemp bilong en long ples Yalau long Raikos distrik long Madang provins i kisim bikpela bagarap stret bihain long bikpela tait wara bilong Gawar Riva i karamapim ol samting insait long eria loging-kemp i stap long en.**

Nogat manmeri i dai, tasol planti ol bikpela masin bilong dispela kampani bilong wok em graun i karamapim.

Long nau yet, nogat veliu bilong hamas samting tru kos bilong ol samting i bagarap long dispela birua. Tasol ating em bai planti tausen na milien Kina stret.

Dispela birua i bin kamap long las mun, na turangu long nau yet planti ol lain husat i was long dispela loging kem bilong dispela kampani bilong Malaysia i no stap gut tumas. Ol i muv i go stap long narapela ples bikos ples i bagarap tru bihain long Gawar riva i karim ol graun na ol pipia i go bagarapim ples long hap.

Ripot *Wantok Niuspepa* i kisim long eria i tok dispela kampani bilong Malaysia i no wok. Ol i stop wok bihain long wanpela kot oda, tasol ol samting bilong ol i stap yet long kem taim dispela bikpela tait-wara i kam.

Sampela lokal pipel i tok tu olsem nogat wok i kamap tasol i gat ol sekuriti lain olsem i save stap na was long dispela loging kemp.

*Wantok* i luksave tu bihain long

raun bilong en i go long Yalau eria olsem dispela timba kampani bilong Malaysia i katim ol strongpela diwai bilong bus bilong Raikos na bungim i stap na i no salim i go ovasis bihain long kot oda. Dispela i mekim na planti ol strongpela diwai bilong ekspot i go ovasis i stap bagarap na sting na bus i karamapim i stap. (Lukim long foto).

Sampela pipel i askim nau long PNG Forest Atoriti long mekim wok sekim long dispela kampani bikos ol diwai bilong bus i bagarap na sindaun nating i stap.

Ripot i tok tu olsem sampela ol lain i bin stap long nait taim aiwara i bin kam, tasol ol i laki tru long kisim famili bilong ol na ronawe taim wara i go insait long ol haus na tu karamapim sampela ol masin bilong wok we i stap long hap.

Ol opisa bilong Madang Provinsal Disasta Ofis i bin go mekim lukluk raun bilong ol long ol bagarap i kamap long hap, tasol long nau yet nogat wanpela ripot i kamap long wanem kain rot Madang gavman bai helpim ol pipel husat i bungim taim nogut.

Ekting dairekta bilong Madang Disasta Opis, Rudolf

Sampela ol lokal pipel bilong Yalau i tok olsem dispela timba kampani i bin salim sampela kaikai long ol lain husat i ronawe lusim kemp na i go stap long Yalau nambis. Ol i givim tu ol sel long ol i stap long en na ol arapela samting.



Tait-wara bilong Gawar riva i go bagarap loging kem bilong timba kampani long Yalau long Raikos.



Timba bagarap na sting i stap..



# Strongpela wok bisnis mas gat strongpela lida

Mathew Yakai i raitim

**WANPELA** yangpela lidaman na nupela siaman bilong Kurumbukari Lenona Asosiesen long Kurumbukari Main insait long Usino-Bundi we i gat dispela US\$1.6 bilian Ramu NiCo Projek i tok strong olsem long kamapim strongpela wok bisnis bilong ol papagraun i mas i gat strongpela na ones lidasip tu i stap.

Mathew Dinguo husat ol i makim em siaman long Feb 8, 2013 i tok stret olsem lenona kampani bilong ol Kurumbukari (KBK) papagraun long Bundi, KBK Ltd i no bin groa i go bikpela bilong wanem, ol siaman na kampani eksekutiv bipo i nogat save na lidasip long strongim na kampanim asosiesen wantaim.

Mista Dinguo i tok kain pasin bilong ol KBK Ltd dairekta na nogut lidasip bilong KBK Lenona Asosiesen bipo i bin lukim ol papagraun bilong KBK stret i no bin kisim planti bisnis benefit long Ramu NiCo Projek taim dispela kampani bilong Saina i kam.

"Mi bai kamapim strongpela, gutplea na lidasip na bai stat long lukim KBK Ltd na asosiesen i mas ron gut na nonap givim sans long ol man i bagarapim dispela



Mathew Dinguo i bin wokim sampela toktok long taim ol i bung kwatali Ramu NiCo MOA riviui miting insait long Madang.

opis bilong wanem, ol pastaim lida i bin bagarapim stret," Mista Dinguo i toktok.

Em i tok ol narapela lenona kampani long Ramu NiCo Projek olsem Maigari, Basamuk na Kostel Paipain i kamapim planti bisnis na inves ausait long Ramu Projek tasol KBK Ltd i nogat bikos ol lida long bipo i bin bagarapim ol wok bilong ol stret.

"Nau KBK Ltd i gat bisnis olsem jeneral kago na karim piul long Ramu NiCo, tasol dispela em i no

inap. Mipela i no bin kisim BK Ltd i go ausait tu olsem ol narapela lenona kampani."

"Mipela papa stret bilong nikel na kobalt na mi nonap larim kain paul pasin i kamap we bai ol pipel bilong mi kisim taim bihain," Mista Dinguo i toktok.

Mista Dinguo husat i wanpela polisman bipo tu i tok olsem bikpela plen bilong em nau bai long rausim ol konman insait long asosiesen na KBK Ltd pastaim, na putim gutpela lidasip na save

manmeri long wokim wok stret na dispela bai kamapim bisnis bilong ol papagraun i go bikpela.

"Mipela i nogat wanpela birua wantaim Ramu NiCo, tasol kampani i mas givim mipela ol gutpela bisnis na aninit long strongpela lidasip bilong mi, bai ol pipel i amamas na Ramu NiCo Main i ken go het yet," em i tok.

Mista Dinguo i tok Ramu NiCo Projek we i namba wan insait long PNG na namba 5 insait long wol bai kamapim bikplea benefit

long PNG na em i moa gutpla ol lain bilong em i benefit moa na amamas olsem ol papa graun stret.

"Bihain long 20 krismas, mi les long lukim ol pikinini na bubu bilong mipela i kros na komplem olsem mipela i no kamapim benefit bilong ol.

Olsem na lidasip bilong mi bai strong long ol kain wok olsem benefit stret i mas go long ol pipel bilong mi," em i tok.

## ENBPG luksave long ol meri

Michael Novingu i raitim

IS Nu Briten provinsal gavman i luksave long wok bilong meri insait long provins.

Ekting Deputi Provinsal Administrata, Levi Mano, i mekim dispela toktok long las wik Sarere long taim bilong amamasim de bilong ol meri long Kokopo.

Mista Mano i tok olsem ENB em i namba wan provins long strongim na putim ol meri i go insait long provinsal asembli long wok wantaim ol man long mekim disisen long ronim wok bilong provins i go het.

Moa yet, em i tok olsem ENB provinsal gavman i sapatim wok bilong ol meri na katim mani long maset long helpim ol karimaut wok

bilong givim sevis i go long ol manmeri long ol komyuniti bilong ol.

"Mipela i wokbung wantaim ol meri long foapela distrik long ENB long ol bai mekim disisen long karimaut wok bilong ol long helpim sindaun bilong ol manmeri long ol hauslain bilong ol," Mista Mano i tok.

Em i tok provinsal gavman i redi long givim sampela wok ol i no inap long mekim, i go long ol bisnis, NGO, sios, meri na ol yut grup long karimaut long kisim developmen i go long ol pipel bilong provins.

Mano i askim ol meri long lus tingting long kros namel long ol yet na wokbung wantaim long kisim sevis i go long pipel bilong ENB na kantri wantaim.

## 'Ol man mas luksave' – Meri Kaunsol

Michael Novingu i raitim

OL MAN i nogat luksave long mipela ol meri long wok mipela i mekim long kirapim gutpela sindaun long famili, komyuniti, provins, na kantri wantaim.

Kaunsela meri long Tavui namba wan ples long Bitapaka LLG, Elizabeth Tamti, i mekim dispela toktok las wik Sarere taim ol meri i makim Nesenel Wimens De bilong ol long Kokopo.

"Mipela o lmeri karim planti pen long lukautim famili, na ol man i no save mekim wanpela wok long givim helpim long mipela. Moa yet, tue mipela ol meri i gat rait long mekim disisen long kisim developmen i go long ol komyuniti bilong mipela," Tamti i tok.

Em i tok ol meri mas wokbung wantaim long kirapim senis i go long

ol komyuniti bilong mipela.

"Mipela ol meri i wankain olsem ol man. Mipela i ken mekim wankain wok ol man i save mekim. Bilong wanem na mipela i no go pas long ol wok bilong mipela?"

Long wankain taim, Tamti i tok olsem LLG ileksen i kam klostu nau, na em i salensim ol meri long resis long kamap Kaunsela na Presiden bilong ol LLG, bai ol i gen mekim gut wok na kisim sevis i go long ol komyuniti bilong ol.

Tamti i tok bikpela gavman i givim K500,000 i go long ol LLG, i no inap long karimaut ol wok.

Em i tok moa olsem ol meri i no stap insait long skelim bilong dispela K500,000.

Tamti i singaut long nesenel gavman long luksave long ol meri bikos ol i em bunbaksait bilong famili, komyuniti na kantri wantaim.

# easter offer



650  
+  
K40  
FREE Credits

**Features:**

- 1.5GHz
- 1GB RAM
- 8GB Internal Storage
- 3.5" Touch Screen
- 12MP Camera
- 1080p Video Recording
- 3.5mm Headset Jack
- MicroSD Slot
- 1000mAh Battery

ZTE N960

**Features:**

- 1.5GHz
- 1GB RAM
- 8GB Internal Storage
- 3.5" Touch Screen
- 12MP Camera
- 1080p Video Recording
- 3.5mm Headset Jack
- MicroSD Slot
- 1000mAh Battery

500  
+  
K40  
FREE Credits

ZTE E908

Purchase any of these **Smartphones**

This Easter and get **K40** worth of **FREE** Credits

Promo Starts **March 13th** & Ends **April 6th** 2013

All phones are Approved by NICTA



Call 24/7 Customer Care on **345 6789**







# GLASIM RAMU NiCo PROJEK



*Wanpela Ramu NiCo, Wanpela Komyuniti*

# Ramu NiCo stretim gen Mingming waia-bris long sevis gohet

**R**AMU NiCo Menesmen (MCC) i soim gupela pasin long helpim na wokim gen wanpela waia-bris planti tausen manmeri na pikinini long hap bilong Raikos distrik i save yusim long wokabout na kisim ol sevises bilong gavman na mekim ol arapela wok bilong ol.

Dispela waia-bris bilong wokabout i stap klostu long Mingming viles long ples klostu long Raikos Haiskul long Madang provins. Bris ya i bin bungim bikipela hevi tru taim bilong ren i pundaun na bikipela wara Gawar i bin tait na ron go daun long maunten wantaim ol ston na as bilong ol diwai na bagarapim namel bilong bris. Dispela birua i bin kamap long Februari 28 long nait taim.

Dispela waia-bris bilong wokabout long Mingming viles i save givim gupela sevis tru long ol pipel na tu ol sumatin long go kam long skul na tu ol manmeri long go kisim marasin long eid-pos na ol arapela wok bisnis.

Bihain long dispela waia-bris i bin bruk, ol wokman bilong Ramu NiCo Komyuniti Afes Dipatmen long Basamuk i bin go toktok wantaim ol pipel long wanem gupela rot kampani i ken helpim. Dispela em bikos dispela bris i save helpim ol pipel taim Gawar i tait na solap.

Dispela Mingming waia-bris bilong wokabout i save sevim ol pipel long hap olsem long Astrolabe Be tu na ol viles klostu long Mingming olsem Yalau, Balau, Sakwanam, Bibi na ol arapela viles i stap klostu.

Bikipela samting em ol sumatin husat i save go skul long Raikos haiskul, Mumba praimer skul na tu Bibi eid pos i mas kisim ol sevis.

Foma o pastaim Rijinol Memba bilong Madang, Sir Peter Barter i bin wokim dispela bris long yia 1994.

Sir Peter Barter i tokaut olsem em i guria tru long ol lain bilong Ramu NiCo (MCC) i fiksिम o stretim dispela bris insait long wanpela wik tasol. Em i tok long 1994 ol wokman i kisim samting 5-pela mun long wokim bris.

Ramu NiCo i gat Rifaineri bilong em i stap samting olsem 15 kilomita longwe long Basamuk, tasol olsem wanpela bikipela bisnis insait long dispela eria, kampani i lukim olsem em i mas halivim ol pipel. Dispela i kamap tu bihain

long wanpela memorandum ov agrimen (MOA) we ol wok lain bilong CA Dipatmen long Basamuk i sainim wantaim ol lokal lida long Mingming olsem ol bai helpim long fiksिम bris gen.

Narapela samting tu em Ramu NiCo i gat slari paiplain bilong em we i save karim nikel/kobalt graun long Kurumbukari Main i go long Basamuk Rifaineri i go klostu long dispela eria. Olsem na Ramu NiCo i givim bel na tingting long helpim long wokim gen dispela waia-bris bilong wokabout.

Ramu NiCo Fix Ikwipmen Seksen long Basamuk Rifaineri i bihainim dispela MOA long stretim gen dispela bris na ol pipel i ken yusim long wokabout.

Superintenden bilong Ramu NiCo Basamuk Fix Ikwipmen Seksen, Mista Li Xudong i tok 7-pela enjinia bilong ol i stat wok long Mingming antap long bris long 7-pela de olgeta. Ol i joinim ol waia na mekim ol welding na bris tu i surik surik na ol i strong i go na pinisim wok.

Mista Li i tok narapela grup i wok long woksop long Basamuk long mekim welding na katim o lain na gril long putim antap long bris.

Em i tokaut tu olsem ol enjinia bilong Ramu NiCo i yusim 8-pela lain na ol arapela samting long stretim waia-bris, na ol samting olsem gril bilong wokabout antap em ol i baim long Lae na bringim i go long Basamuk na kar i karim i go long Mingming na ol i weldim dispela waia-bris.

Mista Li i tokaut olsem ekonomik kos o mak bilong mani long wokim kamap olgeta dispela waia-bris em K21,500.

Planti ol komyuniti lida bilong Mingming viles na ol arapela viles klostu i tok amamas long Ramu NiCo long fiksिम gen dispela bris we ol manmeri na pikinini i ken yusim long kisim ol gavman sevis na ol arapela bisnis.

Wanpela komyuniti lida long Yalau blok we i stap klostu long Mingming, Imoro Bou i givim bikipela tok tenkyu bilong em i go long Ramu NiCo long helpim.

Planti ol lain long Mingming na ol arapela komyuniti i luksave tu long ol ofisa bilong Ramu NiCo Komyuniti Afes Dipatmen, husat i wok klostu wantaim ol pipel maski olsem kros na bel-hevi i bin kamap long fes de bihain long birua i kamap. Ol dispela hatwok lain em ofisa olsem Kilisi Sapom, Nick Genaia na ol arapela olsem Leffy, Tony Gayu na ol lokal wok lain bilong ples we Ramu NiCo i kisim long helpim.

**Ol skul pikinini i go bek yusim waia-bris em Ramu NiCo i fiksिम gen.**



**Ol skul pikinini i yusim nupela bris long go long Mumba praimer skul.**



**Poto i soim namel bilong waia-bris we i bruk long Februari 28 taim Gawar i karim ston na diwai kamdaun long maunten.**



**Ol wokman bilong Ramu NiCo redim ol samting long stretim waia-bris long Mingming.**



## Ramu NiCo redi long givim

**Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.**

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisanim o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 miliar kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil bilding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paiplain)

**'Wanpela Ramu NiCo, Wanpela Komyuniti'**





# Ramu NiCo givim fri medikal helpim long Buba komyuniti

**James Kila i raitim**

RAMU NiCo Menesmen (MCC), bikpela divelopa bilong nikel/ projek long Madang provins long las wik Trinde i givim fri medikal helpim i go long pipel long Buba komyuniti long makim Nesanel Maining Sefti Wik program bilong en.

Tupela medikal opisa bilong Ramu NiCo em Medikal Superintenden long Basamuk Rifaineri klinik, Dokta Meng Mung na Komyuniti Helt Woka, Paul Konare wantaim ol opisa bilong Komyuniti Afeas Dipatmen i bin go long Buba klostu long Mingming viles long mekim helt aweanes long ol bikpela toktok bilong sik malaria na HIV/AIDS na bihain ol i mekim tes long blut bilong ol manmeri na givim marasin na tu ol i givim aut moskito net long ol pipel long banisim ol long moskito.

CHW Konare i toktok strong tru long ol yangpela manmeri long abrusim sik

HIV/AIDS na ol yangpela i mas tok tru na stap wantaim wanpela poroman o poromeri tasol na noken bikhet na mekim pasin pamuk nabaut. Dispela bai i ken opim rot long ol i kisim sik HIV/AIDS.

Bihain long ol i mekim aweanes, Dokta Meng wantaim CHW Konare i mekim ICT Malaria kaset tes long ol man meri na pikinini long Buba komyuniti long sekim ol sapos ol i gat sik malaria. Namel long moa long 90 pela lain ol i sekim 4-pela tasol i gat binatang bilong malaria.

CHW Konare i tok olsem dispela ol lain pipel i save go oltaim long Ganglau klinik na dispela i soim olsem nogat planti lain i gat sik malaria.

Bihain long aweanes, ol lain bilong Ramu NiCo i givim aut ol fri moskito net em i gat marasin long en i go long ol manmeri long karim i go long haus bilong ol.

Ol i givim aut tu kondom long ol manmeri long dispela bung long Buba.



CHW Konare Kovi David husat i gat 3-pela krismas i krai taim ol lain bilong Ramu NiCo i laik sekim blut bilong em. Foto: James Kila

## Manus i gat nupela musik trening skul

OL yangpela pipel long Manus Ailan nau i gat sans long lainim musik we ol i yusim ol nupela masin na teknologi, na tok tenkyu i go long gren mani we PNG Sastenebol Developmen Program Limitit (PNGSDP). PNGSDP i bin givim K260,000 i go long Maria Molnar Musik Skul bilong bidim musik edukesen senta long Ivanjelikal Sios bilong Manus i beis long Lugos ausait tasol long Lorengau.

Sikstin sumatin i putim nem pinis long wokim fut taim musik skul.

Ol lokol praimer i na sekonderi sumatin i kisim musik skul bilong ol long dispela senta.

Sif Eksekutyutiv Opisa (CEO) bilong PNGSDP, David Sode, i bin tok amamas long opening bilong dispela projek.

"Yumi ol PNG pipel i save laikim musik. Em i bikpela samting long laip bilong yumi, long sait bilong pasin tumbuna na long nupela taim nau yumi stap long en.

"Mi gat spesel intres long pinisim dispela projek na mi save olsem em bai kamapim gutpela samting na wok tu long ol yangpela

pipel na komyuniti long Manus.

"Husat i save, wanpela de yumi nap harim wanpela long ol greduet bilong senta i pilai long wanpela biknem long wol ben, o kondaktim wanpela simponi okestra.

"Gutpela skul bai helpim gut ol yangpela pipel long dispela kantri long gat strongpela tingting na resis wantaim ol narapela kantri long wol long sanap long wankain level.

"Mi amamas olsem PNGSDP i sapotim dispela projek we i kamapim sans long ol yangpela pipel bilong yumi," Mista Sode i tok. Fanding we PNGSDP i givim e mol bai yusim long ol bilding metiriel, trenspot, ol woklainna sapotim kos bilong projek menesa.

Skul i bin kontriniutim K107,000 long metiriel, leba na projek menesmen.

Dispela musik senta i gat long en stej, musik eksasais eria wantaim liklik galeri o bung hap, musik tiori rum na rum bilong wokim rekot long en.

Ol ikwipmen we ol i baim wantaim mani ya em long pekasen, bras, ol string na ol win instramen.

Liebenzel Mission Interna-

tional (LMI) em wanpela Ivanjelikal Misin long Yurop i menesim dispela projek na developim karikukum ol ol skul lesen bilong dispela nupela musik skul long em.

LMI i wok long kariamut ol klas o skul na tu, trenim ol lain long wok.

Mista Sode it ok dispela projek i gat planti benefit o kisim ol gutpela samting i kam insait na em long developim save bilong ol yangpela pipel long ritim na raitim musik, pilaim ol instramen na developim nek bilong ol long singsing gut.

"Wanpela bikpela samting em, dispela projek bai helpim long lukautim ol tumbuna musik na ol musik i kam long ol narapela hap bilong PNG, na tu, larim ol i yusim ol long kontemporeri arenjmen.

"Em bai helpim long givim moa sans long mekim mani long en na tu, givim ol yangpela luksave long ol yet olsem ol i ken mekim samting tol yut tu na helpim ol yet," Mista Sode i tok.

PNGSDP i gat 63.4pe sen sea lobng Ok Tedi Main.

Ol winmani bilong dispela kampani em ol i yusim long sapotim ol developmen wok long olgeta hap bilong kantri.

## NARI helpim ol M'Buke Ailan pipel long planim ol kaikai

INSAIT long las tupela yia, komyuniti long M'Buke long Manus Provins i kisim gutpela helpim long Nesanel Agrikalsa Risets Institut (NARI) wantaim ol nupela na gutpela infomesen ol i kisim long ol nupela masin long agrikalsa na laipstok.

Aninit long wanpela projek we PNG Sastenebol Developmen Program (PNGSDP), ol bin kisim ol taro, Afrika yam, kaukau na tapioka we ol i kamapim gut (improved variety) na waitpela open polinetet kon sit long NARI Laloki i go long M'Buke Ailan, James Earnest em wanpela saientis bilong NARI i go pas long projek, i tok.

Taitek bilong projek em, "Transfer of Improved Agricultural Technologies in M'Buke Island, Manus Province", em bin kisim K180,000 long karimaut projek long tupela yia (2010-2012).

Ol bin tilim ol metiriel na ol sit i go long ol wan wan komyuniti long mein NARI Komyuniti gaden ol bin wokim long ailan yet.

As tingting long wokim dispela projek em long kamapim gut laip na sindaun bilong ol pipel long M'Buke Ailan long sait bilong gat inap kaikai na fud sekyuriti

taim ol i planim ol kain gaden kaikai na kisim ol nupela save long kamapim ol sans long wokim mani wantaim ol gaden kaikai ol i planim.

Dispela em bikos pis em i olgeta de kaikai bilong ol pipel bilong M'Buke Ailan.

Na tupela hevi we samting olsem 700 pipel bilong dispela ailan i save bungim em long kaikai sot na sik bun nating bikos ol pipel i save kisim ol gaden kaikai taim ol i senisim ol abus bilong solwara wantaim ol pipel bilong bikples wantaim ol kaikai olsem saksak na ol gaden kaikai. Senis kaikai i save kamap long ol maket long ol bikples long Manus.

Mista Earnest i tok aninit long dispela projek, ol gaden kaikai bilong ol pipel bilong M'Buke i bin redi long Julai 2012 na ol bin wokim bikpela selebresen.

"Ol bin kisim moa long 1,000 Afrika yam, 6,000 Trobrien yam, 300 swit potato na 400 tapioka na ol i soim ol long taim bilong selebresen, Mista Earnest i tok.

Ol lain i makim Manus Provinsel Gavman (wantaim nau Open memba, Ronnie Knight) na PNGSDP Program Menesa, Lawrence Stephens, i bin stap long dispela selebresen.

Mista Earnest i tok em bin

karimaut tripela trening/ demonstresen long rot yusim ol marasin ol i wokim long ol plent we bai kilim na rausim ol binatang na lukautim ol gaden kaikai olsem taro long trupela ples we projek i stap long ol (M'Buke, Timonai, na Saehesapo) long moa long 100 fama.

Ol bin wokim narapela tupela trening/ demonstresen long isipela rot long kamapim na sevim ol kaikai long moa long 160 fama bilong M'Buke na Whal Ailan.

Ol bin soim ol rot bilong mekim prit jem long ol prut we ol yet i groim long gaden.

Ol pipel i bin bung long namel ples na dispela em long Whal Ailan.

Mista Earnest i tok ol bin tilim tu 29 Muskovait pato i kam long Nari Laloki long tupela projek eria olsem Timonai na Saehesapo.

Em bin givim aut moa long 600 NARI Toktok buk i gat ol infomesen long ol nupela teknologi we bai helpim ol fama long lukautim ol samting ol bai planim long gaden, wokim ol kain kaikai kaikai, sevim i go long ol fama long Timonau, Saehesapo Ailan.

Em i tok tru, projek i bin pinis las yia, ol bai karimaut wok skelim na sekim long erm long dispela yia, 2013.

# Susa gem bilong volibol



werim ol su olsem long ragbi na soka bai ol i noken wel na pudaun.

Tasol ol i save pilai insait long haus tu antap long strongpela kot olsem bilong voli- bol.

Sampela loa bilong dispela i save senis liklik long loa bilong pilai autsait, antap long gras.

Stail bilong paitim bal insait long fisbol tu i krangki liklik long stail bilong volibol.

Long fisbol, yu mas pasim han bilong yu olsem yu laik paitim boksen, na paitim bal wantaim.

Yu ken paitim bal tu wantaim longpela hap bun long han bilong yu.

**S**APOS bel bilong yu i bin sut liklik long kalap i kam autsait long balus wantaim parasut bilong yu las wik taim yumi stori long Skai sefing (Sky Surfing), orait, noken wari, dispela wik bai yumi kam bek daun long graun.

Spot bilong yumi long dispela wik em Fisbol (Fistball).

Dispela spot i klostu wankain olsem voli- bol na sapos yu man bilong pilai volibol em bai yu tok ol i wankain tasol.

Na samting tru em tupela i no wankain stret, i gat sampela samting i krangki long ol we bai yumi luksave ol nau.

### Histri bilong gem

Fisbol i stat long Yurop (Europe) na ol rekot i soim em i stat long yia 240 aninit long was bilong Empera (Emperor) bilong Rom (Rome), Gordian III.

Ol i bin painim tu sampela rul o loa bilong pilaim gem long Itali (Italy) we i bin kamap long 1555.

Wanpela ripot bilong Johann Wolfgang Goethe long 1786 i bin stori liklik long wanpela fisbol gem i kamap namel long 4-pela man bilong Verona na 4-pela bilong Venis.

Dispela ol pilaia i kam long ol bikpela famili husat ol i gat biknem na luksave insait long sosaieti bilong ol.

Jemeni (Germany) em ples we fisbol i kamap strong tru na ol i stat long kamapim ol kompetisen tru long 1893.

Ol i karim tu dispela spot i go long Saut Afrika, Kanada na Amerika taim ol i raun na mekim ol wok bilong ol.

Nau, Intanesenel Fisbol Asosiesen i bilip olsem moa long 100, 000 manmeri save pilai dispela spot olgeta hap long wol.

### Stail bilong pilai

I gat tripela kain stail bilong pilai fisbol, wanpela em bilong ol man, narapela em ol meri na narapela em bilong ol junia o ol liklik mangi.

Long gem bilong ol man, longpela bilong pilai graun em inap 50m na bikpela bilong en em i 20m.

Wanpela lain i save brukim longpela bilong fil long namel we ol i save pasim net olsem long volibol.

Long namel mak, ol i save bihainim tripela mita i go bek long wanwan sait bilong fil na makim narapela lain gen.

Dispela lain em i ples bilong sev olsem long volibol, tasol long volibol, ples bilong sev i save stap long baksait bilong kot, long hia, em i stap long fran, klostu long net.

Astingting bilong pilai em i olsem long tenis na volibol we yu mas paitim bal i go daun long sait bilong narapela tim, longwe long ol pilaia bilong ol long traime na kisim poin.

Long fisbol, yu ken paitim bal taim em i stap antap yet o bihain long em i paitim graun pinis na kirap.

Yu bai kisim poin taim narapela tim i no hariap long paitim bal i kam bek na spit o ron bilong bal i pinis na gem dai o i go isi.

Tim husat i winim tu o tripela set i save winim gem.

I gat 5-pela pilaia tasol long fisbol na ol i no save sensim posisen bilong ol raunim kot olsem long volibol.

Ol fisbol gem i save kamap antap long graun na gras, i no olsem volibol na tenis we i save kamap antap long wanpela kot.

Dispela i mekim na ol fisbol pilaia i save



**BAL:** Ol fisbol bal i wankain olsem bilong volibol.

### Fisbol long PNG


Sapos fisbol i kamap long PNG, planti manmeri bai lainim hariap tru bilong wanem em i klostu wankain olsem volibol we planti bilong yumi save gut pinis.

Tasol long wankain taim, em bai kisim longpela taim liklik long pulim planti sapota na pilaia bilong wanem dispela ol wankain lain husat i bihain volibol mas painim taim long go sapotim, lainim o pilai fisbol tu olsem nupela spot.

Wanpela rot long mekim kain nupela spot i kamap em long soim ol loan a stail bilong pilaim i go long ol pikinini na sumatin bai ol i kim kisim hariap na bihainim wantaim inap ol i kamap bikpela.

Dispela bai gutpela program tu long developim dispela nupela spot.

Narapela rot em long wokbung wantaim kain spot olsem volibol bai ol manmeri ken lukim olsem narapela stail bilong pilai wanpela gem we i klostu wankain olsem gem ol i save gut pinis long en.



**PILAI GRAUN:** Ol mak na sais bilong fisbol kot.



**PAITIM:** Long fisbol, yu mas pasim han bilong yu na paitim bal.



**KALAP:** Wanpela pilaia i traime long paitim bal bipo em i go autsait long lain.



**GO ANTAP:** Ples bilong sev insait long fisbol i save stap fran long kot, i no long baksait olsem long volibol.



# Haye sainim nupela kontrak wantaim Eels

JARRYD Hayne i ken kamap Paramatta Eel inap em i pinis pilai lig, em long pinis bilong 2015 NRI sisen, tasol biknem long klab, Nathan Hindmarsh i tok supasta fulbek i no skul gut yet long karim presa olsem kepten.

Nupela kontrak Hayne i sainim i strongim stret wok klab na nupela Kosa Ricky Stuart i wok mekim long kisim bek nem na luksave.

Hayne nau i gat luksave olsem wanpela ko-kepten bilong Eels.

Tasol maski dispela nupela

biknem i strongim luksave bilong Hayne long Eels, bihain long namba wan win agensim Warriors long raun 1, em i wok long kisim taim long winim ol gem.

Dispela i bin kamap ples kliia taim ol i pundaun long han bilong Wests Tigers las wik Fraide, taim em i wok tait tru long tok-pait wantaim ol refri.

Bipo kepten Hindmarsh i save long ol hevi bilong wok kepten, na em i tok Hayne i mas kolim bel na mekim wok tasol.

"Jarryd i karim bikpela presa tru, na sampela taim, em i no fea long en yet," Hindmarsh i tok. "Sampela taim, olsem las wik, em i givim presa long em yet agensim Tigers. Tasol em i wok skul yet."

Hindmarsh i tok Hayne i mas lukluk long ol sinia pilaia long sapatim em long wok kepten.

"I gat planti ol arapela bikpela bilong em i stap long sait, na ol i save pasim maus, maski ol i ken halivim em moa," Hindmarsh i tok.



JARRYD Hayne

# Farah na Benji strong tumas: Toovey

TAIM tupela strongpela man bilong Wests Tigers, em Benji Marshall na Robbie Farah i laik seksekim gem, Manly Kosa Geoff Toovey i tok i nogat narapela man long NRL i ken holim ol.

Olsem na maski em i holim namba wan difens rekod long NRL bihain long tripela raun, Toovey i tok em i nogat save long stopim dispela tupela man.

Sea Eagles i gat namba tri top difens i go insait long raun 4 dispela wiken. Tupela top difensiv tim em Gold Coast Titans, na Cronulla Sharks.

Tasol taim ol i bungim



ROBBIE Farah



BENJI Marshall

Marshall na Farah, Toovey i tok ol i save painim ples.

Taim mipela i askim Toovey long namba wan rot

bilong stopim tupela taim tupela i paia, em i bekim na tok: "Yu no inap".

"Ating bai tupela i skorim

sampela poin, tasol mipela i mas traim long holim strong ol dispela poin, na traim skorim sampela na abrusim ol," Toovey i tok. "Tasol long holim ol, em bai hat."

Nupela kosa bilong Tigers, Mick Potter i no lukim yet paia lait bilong tupela sait, taim ol i bung.

Dispela Fonde nait, bai em i lukim.

Manly i bin lukim namba wan lus bilong ol las wik agensim Titans. Tasol Potter i no ting ol bai slek gen.

"Manly gat bikpela strong i stap. Ol i ken kam bek long seken hap, olsem na mipela bai was long ol long dispela sait," Potter i tok.

# Broncos laik kisim bek nem Storm bai givim bikpela salens

WANPELA long ol bikpela pait bai kamap gen dispela lsta wiken taim Brisbane Broncos i pait strong long narapela win long strongim sisen bilong ol.

Las wik ol i lus 8-0 long Sydney Roosters, na ol i pulim planti tok daunim olsem ol i no inap long skorim ol tra i wantaim tupela biknem kombinesen bilong Scott Prince na Peter Wallace.

Ol dispela sut tok i gat as bikos ol bai bungim wanpela narapela sait, we difens bai strong moa.

Wanpela gutpela samting long Broncos, em strong bilong difens bilong ol.

Dispela bai halivim ol long holim strong Melbourne.

Sapos ol i ken yusim wankain difens, ol i mas givim moa sans long kombinesen bilong ol beklain bilong ol i kamap strong moa.

Long narapela sait, ol boi bilong Craig Bellamy i painim spid bilong ol gen, na ol i wok long hamarim ol tim i kam long tripela raun nau.

Ol biknem bilong ol i no slek long soim stail.

Cooper Cronk i pilai strong tru.

Tasol tupela samting we i strongim sait bilong Brisbane, em sapos i gat tim i save long pilai bilong tripela biknem bilong Melbourne, em Brisbane. Bikos faivpela pilaia bilong ol i save pilai wantaim tripela bilong Storms, insait long Kwinslen Stet ov Orijin sait.

Yumi no save yet sapos Brisbane i gat inap bilip long tromoi bal na rausim spid bilong Storm.

Justin Hodges bai kam bek bilong Brisbane bihain long em i aut long gem las wik.



COOPER Cronk.



JUSTIN Hodges.

Long Storm, Bellamy i go wantaim wankain lainap bilong las wik yet.

**Lukaut Broncos:** Cooper Cronk i save long bagarapim pilai bilong Brisbane. Em namba wan man nogut ol i mas was long en.

**Lukaut Storm:** Sapos i gat wanpela man long Broncos ol i no laik givim sans long en, em Justin Hodges. Las wik em i no pilai, na dispela wik, em bai paia long soim strong gen.



# SPOTS DRO RAUN 4

Fonde : Mas 28, 2013



**Bluetongue Stadium**  
S/Eagles V<sup>s</sup> W/Tigers



Fraide: Mas 29, 2013



**ANZ Stadium**  
Bulldogs V<sup>s</sup> Rabbitohs



**Suncorp Stadium**  
Broncos V<sup>s</sup> Storm



Sarare: Mas 30, 2013



**Toyota Stadium**  
Sharks V<sup>s</sup> Dragons



Sande: Mas 31, 2013



**Centrebet Stadium**  
Panthers V<sup>s</sup> Titans



**Hunter Stadium**  
Knights V<sup>s</sup> Raiders



Mande: Epril 1, 2013



**Mt Smart Stadium**  
Warriors V<sup>s</sup> Cowboys



**Allianz Stadium**  
Roosters V<sup>s</sup> Eels



# Raun 3 Poin Leda

Pos	Tim	W	L	Pts
1.	Storm	3	0	6
2.	Rabbitohs	3	0	6
3.	Sea Eagles	2	1	4
4.	Titans	2	1	4
5.	Sharks	2	1	4
6.	Roosters	2	1	4
7.	West Tigers	2	1	4
8.	Knights	2	2	4
9.	Eels	1	2	2
10.	Panthers	1	2	2
11.	Broncos	1	2	2
12.	Cowboys	1	2	2
13.	Bulldogs	1	2	2
14.	Raiders	1	2	2
15.	Dragons	0	3	0
16.	Warriors	0	3	0

**FM100**  
PNG's Information & Music Leader

FRIDAY 29 MARCH



**SUNCORP STADIUM**  
07.05PM

SATURDAY 30 MARCH



**SHARKS STADIUM**  
06.30PM

SUNDAY 31 MARCH



**PENRITH STADIUM**  
02.00PM

ALOTAU 107.1	BUKA 100.8	KARKAR 100.5	KIUNGA 100.3	LORENGAU 100.3	MT. DIMODIMO 107.1	NAMATANAI 100.3	RABAU 100.8	TINPUTZ 100.8
AMBUNTI 100.8	DARU 100.5	KANDRIAN 100.1	KUTUBU 100.2	MADANG 100.8	MT. HAGEN 100.3	NCD 100.3	RAMU 100.3	TOLLUKUMA 100.1
ANGORAM 100.8	DREIKIRKIER 100.8	KEREMA 100.8	LAE 100.5	MAPRIK 100.8	MT. HOREATO 107.5	NUKU 100.8	TASUBIL 100.3	WATERHOLES 107.1
ARAWA 100.3	FINSCHHAFEN 100.4	KIKORI 100.5	IAGIFU 100.2	MARHAM 100.5	MT. KAINGUMA 107.1	PALMALMAL 100.8	TARI 100.5	WAUBULOLO 100.8
BOGIA 100.5	GOROKA 100.2	KIMBE 100.3	LIHIR 100.3	MT. BOREGORO 107.7	MT. TURU 100.8	POPONDETTA 100.5	TELEFOMIN 100.3	WEWAK 100.8

LIVE GAME CALLS



# OI Spot Eksen poto long wiken...

*OI Poto Nicky Bernard.*



Tupela Oro pilai i dabolim Isten Sta pilaia long salens bilong long Pot Mosbi long wiken. Tupela tim i dro 0-0.



Gaden Hils pilai wantaim bal i laik brukim banis bilong bilong 9-Mail long gren fainol bilong Isten Hailans ragbi long Mosbi.



Griket eksen long Amini long Mosbi



GA bilong Aussie Hai Kom, Marykula i holim bal na painim ol pilaia bilong em.



Pom FC pilaia i traime long kisim bal long lek bilong Hekari pilaia long wiken i go pinis. Tupela tim i dro 1-1.

## - Weekend Sports Draws -

### Round 9 Draw: Telikom - NSL

30/3/2013	11:00AM	Hekari Utd FC	Vs	Welgris FC	SIG	POM
30/3/2013	3:00PM	Gigira Laitepo Morobe FC	Vs	FC Pom	IKS	LAE
30/3/2013	3:00PM	NC Civil Oro FC	Vs	Besta PNG Utd FC	SIG	POM
30/3/2013	1:00PM	Eastern Stars FC	Vs	WNB Tavur FC	SIG	POM

**TOKSAVE:** Salim ol spots dro bilong yu kam long Feks; 325 2579, e-mel; [bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.



# Flash em PNG sempion

LEE Henry Garap em i namba wan Muai Tai (Muay Thai) sempion bilong Papua Niugini bihain long em i stop Alfred Samuel las wik Fonde long 66kg pait bilong tupela long Sports Inn long Mosbi.

Garap na Samuel i kamap tupela namba wan pait man long salens insait long dispela Muai Tai resis.

Em i namba wan taim tru bilong Muai Tai long kamap long PNG na Garap i no westim taim long putim nem bilong em olsem namba wan man long winim dispela PNG taitol we tupela resis long en.

Garap i stopim Samuel 55 seken i go insait long namba wan raun tasol bilong tupelo mini na 5-pela (2x5) raun

pait bilong ol.

Ol manmeri save harim ol i kolim nem bilong Garap insait long ring olsem "Flash" bilong wanem han na lek bilong em i save spit tru taim em i pait.

Long las wik Fonde, ol yet i lukim tru na bilip olsem dispela nem i no krangki liklik.

Garap i abrusim na pasim ol han lek bilong Samuel gut na taim em i kalap i go insait, Samuel i no bin i gat taim long pasim em.

Em i tromoi wanpela han na tanim i go klostu long Samuel, bihain em i tanim dispela han gen long holim het bilong Samuel na pulim em i go daun na wan tu tasol i sutim skru bilong em i go in-

sasit long bros bilong Samuel.

Dispela i daunim Samuel na refri, Jamuga Stone i stopim pait bihain long em i sekim gut Samuel na i painim aut olsem em bai nap long pait moa.

"Mi tok tenkyu long mama sponsa bilong mi, Air Niugini, Life Gym, Sports Inn na ol arapela husat i save givim helpim long mi.

"Mi tok amamas tu long ol femili, poro na tu Stanley Nandex husat i bin trenim mi long kikboksing taim mi liklik yet," Garap i tok.

"Ol sapot na helpim bilong yupela i soim mi rot i kami nap long tete nait taim mi winim dispela taitol," em i

tok.

Garap i bin gat bilip yet long winim dispela pait taim promota, Stanley Nandex i askim em na Samuel long pait long laspela sho bilong dispela nait bihain long kikboksing 8-Men tonamen.

Sponsa bilong Garap, Air Niugini, tok ol i gat tingting long kisim wanpela Muai Tai wol taitol pait i kam long PNG na ol i bilip olsem Garap i soim olsem em bai nap long stap insait long en.

Garap i amamasim gut win bilong em tasol em i no bin pinisim gut laik bilong em long dispela pait bilong wanem pait i pinis hariap tru na olgeta spit na strong bilong em i stap yet.



## Makim Ista wantaim spots

ISTA i no stap longwe moa, na planti komyuniti long kantri i gat ol spot pilai long makim dispela spesol wiken.

Pasin bilong pilai spots, i bin stap wantaim mipela long taim bilong ol misinari yet long bipo long ol nambis komyuniti long kantri.

Ol namba wan misinari husat i bin kam sua long ol nambis komyuniti i bin brukim bus i go insait long tokaut long tok bilong God. Na i no tok bilong God tasol ol i bringim. Wantaim ol, ol i bringim ol nupela spots pilai.

Kamapim spots em i rot ol i pulim ol manmeri long kam bung na harim tok bilong God. Dispela i kamap strongpela tru, na planti i yusim taim bilong pilai spots, long autim tok bilong God. I kam inap tude, ol manmeri long olgeta hap bilong kantri i bihainim dispela pasin yet.

Planti sios tude i save yusim spots long winim ol bilipmanmeri long kain kain laip long kam bung. Moa pipel i wok long go long misa tude.

Mi save olsem planti sios long kantri i wok long luksave na yusim spots long wok bilong ol.

Sapos dispela kain tingting i kamap, i mas gat sampela tok lukaut i go wantaim.

Spots i ken bagarapim sios o misa program i kamap.

Mi laikim lukim ol non-bodi kontek spots i mas kamap. Ol tim spot olsem volibol, tas ragbi, na ol sampela ol arapela pilai, i gutpela.

Ol dispela kain isi spot i gutpela long kirapim na strongim tingting, na i mobeta long sindaun harim wanpela i toktok tasol. Long dispela rot, ol pipel i skin kirap long stap insait long harim ol gutpela tok.

Tasol ol ista selebresen i ken bagarap liklik sapos i gat ol bodi kontek spot i kamap. Mipela i save olsem ol bodi kontek spot long taim olsem Ista, i no gutpela bikos olgeta bai pait strong long win.

Sampela ol nesenel federesen i gat ol enual nesenel sempionsip i save kamap long Ista. Ol federesen yet i mas mekim bikpela wok long kamapim ol dispela ol sempionsip.

Ol sios na ol nesenel federesen, em i narakain olgeta, na rot ol i save bihainim, i save narakain tu. Ol sios i noken mekim wawnkain olsem ol nesenel federesen. Long pulim moa manmeri, ol sios i mas yusim spots long go insait long wok bilong ol, na em bai kirapim ol manmeri long mekim gut wok.

God i laikim ol bodi bilong yumi mas stap olsem tempol bilong en, olsem na oltaim, yumi mas kipim bodi i stap helti na pulap long eneji.

## Aussie Hai Kom lukim gren fainol

Nicky Bernard i raitim

AUSTRALIA Hai Komisn tim wan bai go insait long gren fainol long wik antap bihain long ol daunim Benk Saut Pasifik long semi fainol bilong Praivet kampani netbol kompetisin long Pot Mosbi.

Dispela pilai bilong tupela bin strong tru we BSP gol suta i no westim ol bal bilong em taim tim pilai bilong em bal long em.

AHC gol difenda i yusim wet na longpela bilong em long stop sampela bal bilong gol suta bilong BSP, we dispela i mekim skoa i no long we.

BSP go pas long ap taim long tupela point we mekim ol AHC i kam bek long apt aim wantaim nupela stail bilong pilai long was long ol lus pilai bilong BSP.

AHC gol suta tu i senisim pilai bilong em liklik long stap long we na tromoi bal go long ring na dispela i paulim ol BSP.

Aussie Hai Kom i holim BSP na long ful taim tupela tim bin dro na go insait long 7-pela minit long ekstra taim, we AHC i putim olgeta laspela strong bilong ol long tupela hap bilong ekstra taim we ol bin win BSP.

Aussie Hai Kom na bai kisim wanpela wiken ov long Ista wiken na bai bungim ol hevi wet bilong Detac long narapela wiken antap bihain long Ista.



**SANAP YET:** Garap i soim strong bilong em bihain long win bilong em agensim Alfred Samuel long las wik Fonde.

i kam long bek pes

## Hekari bosim NSL leda

Hekari, husat bai makim Papua Niugini long Osenia pilai bihain long dispela mun, i gat ol gutpela pilai bilong Pasifik we i lukim ol i winim olgeta pilai bilong ol long sisen tasol dispela pilai bilong ol agensim asples mangi Mosbi em bai wanpela pilai we ol bai no lusim tingting hariap o nau yet. Long narapela pilai, NC

Civil Oro FC i dro wantaim Eastern Stars FC long men gem long Pot Mosbi. Ol mangi Oro klostu tru i winim ol Samarai tasol ol i no win na skelim wantaim nogat gol bilong tupela tim wantaim. Long ol narapela pilai, ol mangi Gigira Laitepo Morobe i winim namba wan win bilong ol agensim United FC long Kimbe, Wes Nu Briten

2-1. Dispela em namba wan taim ol mangi Morobe i kisim sip i go hapsait long Solomon Si na pilaim dispela pilai na kamap wantaim dispela win bilong ol. Pilai namel long Welgris bilong Westen Hailans na Besta FC, driman tim bilong Papua Niugini em i no kamap inap sampela taim bi-

hain. Dispela em long wanem, planti ol pilai bilong Besta i go long Anda 20 Wol Kap Kwalifaia long Fiji. Dispela pilai bilong tupela bai kamap long sampela taim bihain taim ol mangi i kam bek gen. Maski ol i dro, Hekari i go pas yet wantaim poin leda bilong Telikom Nesenel Soka Lig bilong dispela sisen.

Long dro bilong ol long wiken, ol i go pas wantaim 22 poin, na ol yangpela FC Besta i bihainim ol bikpela mangi wantaim 16 poin. Morobe i kisim namba tri ples wantaim 14 pela poin na FC Mosbi i gat 11 poin. Nupela pes Oro na Westen Star i ron bihain wantaim 7-pela poin, ol mangi Welgris bilong

Westen Hailans i gat 5-pela poin na WNB Tavor i ron las nau yet wantaim 4-pela poin. Dispela pilai long wiken i pinisim olgeta pilai bilong raun wan, tasol sampela was aut pilai we ol i no pilai bai ol i pilai na pinisim olgeta pilai bilong raun wan. Pinis bilong Ista, bai lukim namba tu raun bilong bikpela NSL pilai insait long kantri.





Gol suta bilong AHC, Rakara Raula i traim long pasim bal long wan pilaia bilong em tasol olgeta BSP i pasim rot bilong em. Rakara i mekim gutpela pilai long kisim Aussie Hai Kom i go long gren fainol. Stori long pes 27, Poto Nicky Bernard.

## Hekari bosim NSL leda

Bustin Anzu i raitim

SEMPION tim bilong Telikom Nesanel Soka Lig (NSL), Hekari United Futbol Klub, i go pas yet long leda bihain long pinis bilong namba wan raun bilong dispela yia.

Hekari, husat i winim olgeta pilai bilong ol long dispela sisen, i go pas yet bihain long pilai bilong wiken, we FC Pot Mosbi i holim ol 1-1 long Se John Gaise Stedium (Sir John Guise Stadium) long Pot Mosbi.

Ol i go pas wantaim wanpela gol insait long namba wan hap, bihain long kisim wanpela penalti gol. Tasol narapela penalti gol bilong FC Mosbi i lukim ol kamapim 1-1 na holim ol i go inap ful taim.

FC Pot Mosbi em namba wan tim long dispela sisen i lukim tupela tim wantaim i dro na dispela i soim olsem ol mangi Mosbi i no inap isi long ol narapela tim.

*Moa long Pes 27.*

## Johnston's Pharmacies

**All Sports and First Aid requirements**

**For First Aid Kits. Tabu Colognes Perfumes**

**P.O. Box 1066 Boroko  
 Phone: 325 3185, Fax: 325 0190  
 Email: sales@johnstons.com.pg**